

臨證指南醫案

臨證指南醫案目

卷五

風

寒

風溫

溫熱

暑

濕

燥

疫

癰痧疹瘰

痰

痰飲

臨證指南醫案卷五

潯關李大瞻翰墨

古吳葉桂天士先生著 錫山鄒錦昉滋九全較

邵銘新甫

風

五陽符

某二風傷衛寒熱頭痛腕悶

蘇梗一錢 淡豆豉一錢 杏仁三錢 桔梗一錢

厚朴一錢 連翹一錢 通草一錢 滑石三錢

某二風邪外襲肺衛畏風發熱咳嗽腕悶當用兩和表裏

風傷營衛候治

風體虛感

淡豆豉半錢 蘇梗一錢 杏仁三錢 桔梗一錢

連翹一錢 通草一錢

江五勞倦過月氣弱加外感頭痛惡風營衛二氣皆怯嗽

則閃爍筋掣而痛大凡先治表後治裡世間未有先投

黃連清裏後用桂枝和表此非醫藥當歸建中湯

沈虛人得感微寒熱參歸桂枝湯加廣皮

經云風為百病之長蓋六氣之中惟風能全兼五氣

如兼寒則風寒兼暑則日暑風兼濕曰風濕兼燥曰

風燥兼火曰風火蓋因風能鼓盪此五氣而傷人故

曰百病之長也其餘五氣則不能互相全兼如寒不

能兼暑與火。暑亦不兼寒。濕不兼燥。燥不兼濕。火不兼寒。由此觀之。病之因乎風而起者。自多也。然風能兼寒。寒不兼風。何以辨之。如隆冬嚴寒之時。卽密室重幃之中。人若裸體而卧。必犯傷寒之病。此本無風氣侵入。乃但傷於寒。而不兼風者也。風能兼寒者。因風中本有寒氣。蓋巽爲風。風之性本寒。卽巽卦之初爻屬陰是也。因風能流動鼓盪。其用屬陽。是合乎巽之二爻三爻皆陽爻也。如炎歔溽暑之時。若使數人扇一人。其人必致汗孔閉。頭痛惡寒。骨節疼等。傷寒之病作矣。斯時天地間。固毫無一些寒氣。實因所扇

之風。風中却有寒氣。故令人受之。寒疾頓作。此乃因傷風而兼傷寒者也。故有但傷寒而不傷風之症。亦有因傷風而致兼傷寒之症。又有但傷風而不傷寒之症。有因傷風而或兼風溫。風濕。風燥。風火等症。更有暑溼。燥火。四氣各自致傷。而絕不兼風之症。故柯韻伯所註傷寒云。傷風之重者。卽屬傷寒。亦有無汗脈緊。骨節疼諸症。此柯氏之書。所以能獨開仲景生面也。至仲景所著傷寒書。本以寒爲主。因風能兼寒。故以風陪說。互相發明耳。學者看書。不可不知此理。若夫臟腑一切內外諸風。各有現症。具載內經。尤當

詳考華船

臨證指南醫案

卷五
風

寒

寒邪客

某二客邪外侵頭脹常用平散

蘇梗

杏仁

桔梗

桑皮

橘紅

連翹

某寒熱頭痛脫悶

淡豆豉

嫩蘇梗

杏仁

桔梗

厚朴

枳殼

風寒

某五復受寒邪背寒頭痛鼻塞桂枝湯加杏仁

濕邪

某九時邪外襲衛痺發熱頭痛先散表邪

臨證指南醫案

卷五

寒

四

淡豆豉

蘇梗

杏仁

厚朴

木防已

茯苓皮

寒客太
陽勝於
經氣逆

楊

四

太陽脉行由背抵腰外來風寒先傷陽經雲霧自下

及上經氣逆而病發致嘔痰涎頭痛小溲數行病解勝

脫氣通斯逆者轉順矣當通太陽之裡用五苓散倘外

感病發再議

勞傷
虛感寒

某

八勞傷陽氣形寒身熱頭疼腕悶身痛

杏仁

三錢

川桂枝

八

生薑

錢

厚朴

一錢

廣皮

一錢

茯苓皮

錢

傷寒症仲景立法於前諸賢註釋於後先生雖大賢

穎敏若擬其治法。恐亦不能出仲景範圍。其所以異於庸醫者。在乎能辨症耳。不以冬溫春溫風溫溫熱濕溫伏暑。內傷勞倦瘟疫等症。誤認爲傷寒。其治溫熱暑濕諸症。專辨邪之在衛在營。或傷氣分。或傷血分。更專究三焦。故能述前人溫邪忌汗。濕家忌汗。當用手經之方。不必用足經之藥等明訓。垂示後人。此乃先生獨擅見長之處也。若夫傷寒之書。自成無已註解以後。凡註疏者。不啻數百家。其尤著者。如嘉言三書。景岳書。傷寒三註。四註等篇。近有柯韻伯來蘇集。傷寒論翼。方翼。王晉三古方選註中。所解一百十

三方諸家析疑辨義處雖稍有異同然皆或登仲景之堂或造仲景之室者業醫者當日置案頭潛心參究庶乎臨症可無誤矣。華岫雲

傷寒一症內經云熱病者皆傷寒之類也又曰凡病傷寒而成溫者先夏至日者爲病溫後夏至日者爲病暑又曰冬傷於寒春必病溫其症有六經相傳併病合病兩感直中難經又言傷寒有五有中風有傷寒有溫病有熱病有溫病其所苦各不同再加以六淫之邪有隨時互相兼感而發之病且其一切現症則又皆有頭痛發熱或有汗無汗或惡風惡寒不食

倦臥煩渴等則又大略相同。故其症愈多。其理愈晦。母怪乎醫者臨症時。不能灼然分辨。卽其所讀之書。前人亦竝無至當不易之論。將靈素難經之言。及一切外感之症。逐一分晰辨明。使人有所遵循。故千百年來。欲求一鑒垣之士。察六淫之邪。毫不紊亂者。竟未見其人。幸賴有仲景之書。以六經分症。治以汗吐下和寒溫諸法。故古人云。仲景之法。不但治傷寒。苟能悉明其理。卽治一切六氣之病。與諸雜症。皆可融會貫通。無所不宜。此誠屬高論。固深知仲景者也。然余謂六淫之邪。頭緒甚繁。其理甚奧。卽彙集河間東

垣丹溪及前賢輩諸法而治之。猶慮未能兼括盡善。若沾沾焉。必欲但拘仲景之法而施治。此乃見聞不廣。膠柱鼓瑟。不知變通者矣。今觀葉氏之書。傷寒之法。固屬無多。然其辨明冬溫春溫。風溫溫熱濕溫之治。實超越前人。以此羽翼仲景。差可嘉惠後學。觀者幸毋忽諸。華玉堂

風溫

僧五二 近日風溫上受。寸口脈獨大。肺受熱灼。聲出不揚。先

與辛涼清上。當薄味調養旬日。

牛蒡子

薄荷

象貝母

杏仁

冬桑葉

大沙參

南花粉

黑山梔皮

楊

脈左實大。頭目如蒙。清竅不爽。此風溫仍在上焦。擬

升降法。

乾荷葉

薄荷

象貝

連翹

鉤藤

生石膏末

某風溫從上而入。風屬陽。溫化熱。上焦近肺。肺氣不得舒轉。周行氣阻。致身痛。腕悶不飢。宜微苦以清降。微辛以宣通。醫謂六經。輒投羌防。泄陽氣。劫胃汁。溫邪忌汗。何遽忘之。

杏仁

香豉

鬱金

山梔

瓜蒌皮

蜜炒橘紅

葉風溫入肺。肺氣不通。熱漸內鬱。如香苔。頭脹咳嗽。發疹。心中懊惱。腕中痞滿。皆是氣不舒展。邪欲結痺。宿有痰飲。不欲飲水。議梔豉合涼膈方法。

山梔皮

豆豉

杏仁

黃芩

瓜蒌皮 枳實汁

郭 風溫入肺氣不肯降形寒內熱胸痞皆膈鬱之象辛涼佐以微苦手太陰主治

黑山梔 香豉 杏仁 桑葉

瓜蒌皮 鬱金

風溫化燥熱

秦^六三 體質血虛風溫上受滋清不應氣分燥也議清其上

石膏 生甘草 薄荷 桑葉

杏仁 連翹

又 照前方去連翹薄荷加陳蒌皮鬱金梔皮

少陽風火

某 風火上鬱耳後結核目眶痛

薄荷

牛蒡子

前胡

象貝

連翹

黑梔皮

赤芍

生甘草

風溫傷陰

某

風溫熱伏。更劫其陰。日輕夜重。煩擾不寧。

生地

阿膠

麥冬

白芍

炙草

蕤縠

馬五

風溫熱灼之後。津液未復。陽明脈絡不旺。骨酸背楚。

治以和補。

生黃芪

鮮生地

北沙參

玉竹

麥冬

歸身

寢丸

某

陰虛風溫。氣從左升。

桂枝湯加花粉杏仁。

風爲天之陽氣。溫乃化熱之邪。兩陽薰灼。先傷上焦。種種變幻情狀。不外手三陰爲病數。頭脹汗出身熱。咳嗽必然並見。當與辛涼輕劑清解爲先。大忌辛溫。消散劫燥清津。太陰無肅化之權。救逆則有蔗汁蘆根。玉竹。門冬之類也。苦寒沉降。損傷胃口。陽明頓失循序之司。救逆則有復脈建中之類。大凡此症。驟變則爲癰厥。緩變則爲虛勞。其主治之方。總以甘藥爲要。或兼寒。或兼溫。在人通變可也。邵新甫

溫熱

溫邪入其二脈數者。熱頭相腰疼。目赤。此屬溫邪。

連翹

煉豆豉

淡黃芩

黑山梔

杏仁

桔梗

某

溫邪化熱。肺痺喘急。消渴胸滿。便秘不夜。肺與大腸

見症。

淡黃芩

知母

鮮生地

阿膠

天冬

花粉

謝

積勞傷陽。衛虛。溫邪上受。內入乎肺。肺主周身之氣。

氣壅不化。外寒似厥。其濕邪內鬱。必從熱化。今氣短
刺滿。邪邪在上。大便秘結。出稀水。肺與大腸表裏相應。亦
由熱迫下泄耳。用辛涼輕劑為禱。

杏仁

桔梗

香豉

翻紅

枳殼

薄荷

連翹

茯苓

黃

痰嗽吸入溫邪。釀為肺脹危症。

薏根

桃仁

苡仁

冬瓜子

施

久患虛損。原擬食安舒。自服陰柔。脈補不但減食不

寐。脫中常悶。渴欲飲涼。此口鼻吸入溫邪。先干於肺。後
補則邪愈熾。氣機阻塞。弱質不敢開泄。援引輕揚。藥土

兼以威喜丸。淡以和氣。上焦得行。可進養胃法。

白沙參

苡仁

天花粉

桑葉

欝金

兼服威喜丸

濕邪劫
津

王

濕邪發熱。津傷。口糜氣穢。

捲心竹葉

嘉定花粉

知母

麥冬

金石斛

連翹

某春溫身熱。六日不解。邪陷劫津。舌絳。骨節痛。以甘寒
熄邪。

竹葉心

知母

花粉

滑石

生甘草

梨皮

丁 口鼻吸入熱穢。肺先受邪。氣痺不主宣通。其邪熱由中及於募原。布散營衛。遂爲寒熱。旣爲邪踞。自然痞悶不飢。雖邪輕未爲深害。留連不已。熱蒸形消。所謂病傷漸至於損而後已。桂枝白虎湯

又 氣分之熱稍平。日久胃津消之。不飢不欲納食。大忌香燥破氣之藥。以景岳玉女煎多進可效。忌食辛辣肥膩自安。竹葉石膏湯加鮮枸杞根皮

楊 伏邪發熱。煩渴。知飢無寐。乃胃津受傷所致。擬進竹葉石膏湯加花粉

葉 熱傷氣分。用甘寒方。白虎湯加竹葉

某右脈未和。熱多口渴。若再劫胃汁。怕有脫痞不創之事。當清熱生津。仍在理痰。俟邪減便可再商。

麥冬

人參

石膏

知母

粳米

竹葉

半夏

葉二

仲景云。陰氣先傷。陽氣獨發。不寒痺熱。令人消燐肌

肉。條例下不註方。但曰以飲食消息之。後賢謂甘寒生津。解煩熱是矣。今脈數舌紫渴飲。氣分熱邪未去。漸次轉入血分。斯甘寒清氣熱中。必佐存陰。爲法中之法。

生地

石膏

生甘草

知母

粳米

白芍

竹葉心

營熱人心

毛十六溫邪熱入營中。心熱悶。脇肋痛。平素疾火與邪膠結。致米飲下咽皆脹。老年五液已涸。忌汗忌下。

生地

麥冬

杏仁

鬱金汁

炒川貝

橘紅

馬少陰伏邪。津液不騰。喉燥舌黑。不喜飲水。法當清解。

血中伏氣。莫使液涸。

犀角

生地

丹皮

竹葉

玄參

連翹

陳煖熱入膈中。夜煩無寐。心悸怔。舌絳而乾。不嗜湯飲。乃

營中之熱。治在手經。

犀角

鮮生地

黑玄參

連翹

石膏蒲

妙遠志

又

鮮生地

玄參

天冬

麥冬

竹葉

茯神

金箔

又

陽升風動治以鹹寒

生地

阿膠

天冬

人參

川斛

茯神

麥冬

張

營絡熱心震動復脈湯去薑桂參加白芍

邪入心胞

陸九高年熱病入九日舌燥煩渴譫語邪入心胞絡中深

怕液涸神昏當滋清去邪兼進牛黃丸驅熱利竅

竹葉心 鮮生地 連翹心 玄參

犀角 石菖蒲

胡 脉數舌赤耳聾胸悶素有痰火近日冬溫引動宿病
加以勞復小溲不利議治胞絡之熱

鮮生地 錢五 竹葉心 錢一 丹參 錢一 玄參 錢一

石菖蒲根 分六 陳胆星 分六

顧 溫邪悞表劫津邪入胞絡內閉 至寶丹

王 吸入溫邪鼻通肺絡達心胞絡中震動君主神明
欲迷瀰漫之邪攻之不解清竅既蒙絡內亦痺幼科不
解授以驚痰降火理氣毫無一効憶平脉篇清邪中上

肺位最高。既入胞絡。氣血交阻。逐穢利竅。須藉芳香。議用局方至寶丹。

施 溫邪如癰。陰氣先傷。苦辛再傷。陽及胃。內風肆橫。肢掣癰癰。邪閉心胞絡中。痰潮神昏。乃熱氣蒸灼。無形無質。此消痰消食清火。竟走腸胃。與病情隔靴搔癢。速速與至寶丹三分。冷開水調服。若得神清。再商治法。

顧 飲酒又能納穀。是內風主乎消燦。當春盡夏初。陽氣弛張。遂致偏中於右。診脉左弦且堅。肌腠隱約斑點。面色光亮而赤。舌胎灰黃。其中必夾伏溫邪。所怕內閉神昏。治法以清絡宣竅。勿以攻風劫痰。扶助溫邪。平定廓。

清其帶病久延而已

犀角

生地

玄參

蓮翹心

鬱金

小青葉

竹葉心

石菖蒲

又目瞑舌縮神昏如醉邪入心胞絡中心神爲蒙謂之內閉前案已經論及溫邪鬱蒸乃無形質而醫藥都是形質氣味正如隔靴搔癢近代喻嘉言證謂芳香逐穢宣發頗爲合理絕症難挽天機用意聊盡人工

至寶丹

四九勾四服涼開水調化

包

老年下虛春溫上受痰潮昏謔舌絳黃苔而赤微瘧

先清上焦

天竺黃

金銀花

竹葉心

連翹

竹瀝

張 溫邪自裡而發。喉腫口渴。舌心灰滯。上焦熱蒙。最怕
數閉昏煙。苦寒直降。攻其腸胃。與溫邪上鬱無涉。

連翹

黑梔皮

牛蒡子

杏仁

花粉

馬勃

瓜蒌皮

夏枯草

金汁

銀花露

張 週歲內未得穀味精華。溫邪吸入。上焦先受。頭面頤
頰腫浮。邪與氣血混處。刀針破傷。經絡溫邪內閉。熱壅
蔓延三焦。昏寐痰潮。舌刺卷縮。小溲點滴渾濁。熱氣結
銅在裏。但膏連苓梔之屬。藥性直降。竟由胃達腸。而熱
氣如烟如霧。原非形質可蕩可掃。故牛黃產自牛腹。原

從氣血而成。混處氣血之邪。藉此破其纏結。是得效之
因由也。夫溫熱時癘。上行氣分。而漸及於血分。非如傷
寒足六經。順傳經絡者。大抵熱氣鴟張。必薰塞經絡內
竅。故昏躁皆裡竅之欲閉。欲宣內閉。須得芳香氣血久
鬱。必致傷毒內攻。謹陳大意。參末議。用紫雪丹三分。微
溫開水調服。

褚 溫邪中自口鼻。始而入肺。爲咳喘。繼傳膈中。則咯血。
乃心營肺衛受邪。然邪在上焦。壅遏阻氣。必聚爲熱痰。
臭喘渴。是欲內閉。惜不以河間三焦立法。或謂傷寒主
六經。或謂肺癰。皆泄氣血。致熱無出路。胸突腹大。危期

至速矣。卽有對病藥餌。氣湧沸騰。勢必湧吐無餘焉。望有濟。夫溫熱穢濁。填塞內竅。神識昏迷。脹悶欲絕者。須以芳香宣竅。佐牛黃金箔。深入臟絡。以搜銅閉之邪。今危篤若此。百中圖一而已。紫雪丹。

陳 溫邪逆傳膈中。熱痰蔽阻空竅。所進寒涼消導。徒攻腸胃。毫無一效。痰乃熱薰津液所化。膈中乃空靈之所。是用藥之最難。至寶丹芳香。通其神明之竅。以驅熱痰之結。極是。但穉年受溫邪。最易陰虧津耗。必兼滋清以理。久伏溫邪爲正。

犀角

鮮生地

玄參

連翹心

丹皮

石菖蒲

化服至寶丹

某濕爲漸熱之氣。迷霧膏間。神機不發。三焦皆被邪侵。豈是小恙。視其舌伸縮如強。痰涎粘着。內閉之象已見。宜通膈中。望其少甦。無暇清至陰之熱。

至寶丹四分

石菖蒲金銀花湯送下

熱陷血分

王十八夜熱早涼。熱退無汗。其熱從陰而來。故能食形瘦。脈數左盛。兩月不解。治在血分。

生鱉甲

青蒿

細生地

知母

丹皮

淡竹葉

許溫邪已入血分。舌赤音低。神呆潮熱。卽發斑疹。亦是

血中熱邪。悞汗消食。必變昏厥。

犀角

細生地

玄參

丹皮

鬱金

石膏

陰雜入厥

張

舌絳裂紋。面色枯槁。全無淖澤。形象畏冷。心中熱焚。

邪深竟入厥陰。正氣已經虛極。勉擬仲景復脈湯。合乎

邪少虛多治法。復脈去人參。生薑加甘蔗汁代水煎。

又

熱病悞投表散消導。正氣受傷。神昏舌強。勢如燎原。

前進復脈法。略有轉機。宜遵前方。去桂加參。以扶正氣。

為主。復脈湯去桂。加人參。甘蔗汁代水煎藥。

又

進甘藥頗安。奈陰液已涸。舌強音嘶。撫之乾板。較諸

已前齟肉映血有間。小便欲解掣痛。猶是陰氣欲絕。欲寐昏沉。午間煩燥。熱深入陰之徵。未能穩許愈期也。

生白芍

炙甘草

阿膠

雞子黃

人參

生地

麥冬

炒麻仁

誤下熱
胸閉成結

某 誤下熱陷於裏。而成結胸。所以身不大熱。但短氣胸滿煩躁。此皆邪熱內燔。擾亂神明。內閉之象。棘手重恙。倣仲景瀉心法。備參末議。再候明眼定裁。

川連

黃芩

半夏

炮淡乾薑

生薑

枳實

誤治傳
胃津液

吳 神氣如迷。不飢不食。乃苦辛消導發散。劫奪胃津所

致蓋溫邪手經爲病。今世多以足六經主治。故致此。

細生地

竹葉心

麥冬

玄參心

連翹心

鬱金

王^姬溫熱十三日。舌黃。心中悶痛。初病手經不當用足經

方。老人怕其液涸。甘寒醒胃却熱。

鮮生地

竹葉心

麥冬

鬱金

川斛

菖蒲根

冬溫傷
疫

吳^五近曰。天未寒冷。病虛氣不收藏。所感之邪。謂冬溫。參

苓益氣。薄荷桔梗杏仁泄氣。已屬背謬。加補骨脂溫瀆

腎臟。尤不通之極。自述夜寐深更。繫繫有汗。釋年陰不

充陽易泄。論體質可却病。

桑葉

大沙參

玉竹

苡仁

生甘草

糯米湯煎藥

陳半歲

冬溫入肺。膠痰化熱。因未納穀之身。不可重藥消痰。

通利。

炒麥冬

桑葉

大沙參

甜杏仁

地骨皮

傷氣血兩

某

脉數右大煩渴舌絳。溫邪氣血兩傷。與玉女煎。

生地

竹葉

石膏

知母

丹皮

甘草

陰虛感溫邪

陳二

陰虛溫邪。甘寒清上。

白沙參

甜杏仁

玉竹

冬桑葉

南花粉

生甘草

開陰虛挾溫邪寒熱不止。雖不宜發散消食。徒補亦屬無益。擬進復脈湯法。

炙甘草

阿膠

生白芍

麥冬

炒生地

炒丹皮

青甘蔗汁煎

黃體虛。溫邪內伏。頭汗淋漓。心腹窒塞。上熱下冷。舌白煩渴。春陽升舉爲病。猶是冬令少藏所致。迨脈參視極當謹慎。

阿膠

生地

麥冬

生牡蠣

勞倦感
溫陰液
燥

生白芍 茯苓

張五勞倦內傷。溫邪外受。兩月不愈。心中溫溫液液。津液無以上供。夜卧喉乾燥。與復脉湯去薑桂參。三服後可加參。

汪勞倦更感溫邪。陽升頭痛。寒熱戰慄。冷汗。邪雖外達。陽氣亦泄。致神倦欲眠。舌赤黃胎。口不知味。當以育陰除熱為主。辛散苦降非宜。

復脉湯去參薑桂麻加青甘蔗漿

曹脉促數。舌白不飢。寒熱汗出。初起腹痛。臍右有形。乃久傷勞倦。復感溫邪。今病兩旬。又六。微咳有痰。並不渴。

飲寒來微微齒瘕。此營衛二氣大衰。恐延虛脫。議固衛

陽。冀寒熱得平。

黃芪

桂枝

白芍

炙甘草

牡蠣

南棗

不和

陳熱病後不飢能食不寐。此胃氣不和。

香鼓

黑山梔

半夏

枳實

廣皮白

華五口鼻受寒。隨不正之氣。過募原。擾胃系。寒熱已罷。猶

不飽不飢。舌邊赤。中心黃。餘邪未清。食入變酸。乃邪熱

不勝穀。以溫胆和之。半薑溫胆。去甘草。茯苓枳實加薑

金黑山梔

熱毒盛
結上焦

林氏腹滿已久非是暴症。近日面頰腫脹。牙關緊閉。先有

寒熱隨現是象。診脉右搏數左小乃溫邪觸自口鼻上
焦先受。氣血與熱膠固。致清竅不利。倏有痺塞之變。理
當先治新邪。况頭面咽喉結邪。必辛涼輕劑以宣通。若
藥味重濁。徒攻腸胃矣。倣東垣普濟消毒意。

連翹

牛蒡子

馬勃

射干

滑石

夏枯草

金銀花露

金汁

陰虛邪
伏

席

脉左數右緩弱。陽根未固。陰液漸涸。舌赤微渴。喘促

自利淺數。喘刻自熱。神煩囈語。夫溫邪久伏少陰。古人
立法。全以育陰祛熱。但今見症。陰分固有伏邪。真陽亦

不肯收納。議倣劉河間濁藥輕投。不爲上焦熱阻。下焦
根蒂自立。冀其煩躁熱蒸漸緩。

熟地炭

茯苓

淡從蓉

遠志炭

川石斛

五味子

飲子煎法

又晚診陰中伏邪。晡時而升。目赤羞明。舌絳而渴。與育
陰清邪法。

生地炭

玄參心

川石斛

炒麥冬

犀角

石膏蒲

又脈左數。右軟。舌乾苔白。小溲淋瀝。吸氣喘促。煩汗腎
陰不承。心神熱灼。蒙閉。議以三才湯。滋水制熱。三才加

扶神黃柏金箔 晚進周少川牛黃清心丸一服

又 昨黃昏後診脈較諸早上左手數疾頓減惟尺中垂而仍動噤語不已若有妄見因思腎熱乘心膈中微閉神明爲蒙自屬昏亂隨進周少川牛黃丸一服但迷漫無質之熱暫可泄降服後頗安辰刻診脈濡小形質大衰舌邊色淡下利稀水大救陰是要旨讀仲景少陰下利篇上下交征關關欲撒必以堵塞陽明爲治以陽明司閫有開無闔下焦之陰仍從走泄矣議用桃花湯

人參

赤石脂

炮薑

白粳米

又 晚服照方加茯苓

又 脈左沉數右小數暮熱微汗時煩

虛邪仍

留陰分議用清補

人參

茯苓

川石斛

甘草

黑稻豆皮

糯稻根鬚

又 金匱麥門冬湯

程二 溫熱病已傷少陰之陰少壯陰未易復者恰當夏令

邪熱兼
酒熱傷
陰

發泄百益酒釀造有灰辛熱劫陰泄氣致形體頽然藥

難見效每日餌雞距子生用其湯飲用馬料豆湯

冬傷於寒春必病溫者重在冬不藏精也蓋煩勞多

慾之人陰精久耗入春則裏氣大泄木火內燃強陽

無制燔燎之勢。直從裏發。始見必壯熱煩冤。口乾舌燥之候矣。故主治以存津液爲第一。黃芩湯堅陰却邪。卽此義也。再者。在內之溫邪欲發。在外之新邪又加。惡鼓湯最爲捷徑。表分可以肅清。至於因循貽誤。豈止一端。或因氣燥津枯。或致陰傷液涸。先生用挽救諸法。如人參白虎湯。黃連阿膠湯。玉女煎。復脈法。申明條例甚詳。餘則治癰厥。以甘藥緩肝。昏閉用幽芳開竅。熱痰之溫膽。蓄血而論通瘀。井井有條。法真周到。邵新甫

暑

暑傷年
分上佳
明影

某 大凡暑與熱乃地中之氣。吸受致病。亦必傷人氣分。
氣結則上焦不行。下脫不通。不飢不欲食。不大便。皆氣
分有阻。如天地不交。遂若否卦之義。然無形無質。所以
清之攻之不效。

杏仁

通草

象貝

枯蓼皮

白蘞

鬱金汁

姚 奔走氣亂。復飲燒酒。酒氣辛熱。有升無降。肺氣膈鬱。
上下不通。舌白消渴。氣結自胸及腹。澀澀自利不爽。周

身膚脹皆痛汗大出不解無非暑濕熱氣始由肺受漫
布三焦羣醫消導苦藥但攻腸胃在上痞結仍然譏淡
滲佐以微辛合乎軒岐上病治上之方

西瓜翠衣 川白通草 大豆黃卷 馬兜鈴

射干 薤仁

范 伏暑阻其氣分煩渴咳嘔喘急二便不爽宜治上焦

杏仁 石膏 炒牛夏 黑梔皮

厚朴 竹茹

又 痰多咳嘔是暑鬱在上醫家亂投沉降所以無效

石膏 杏仁 炒牛夏 鬱金

香豉

黑山梔

王 杏白煩渴心中脹悶熱邪內迫氣分阻閉當治肺經
倘逆傳膈中必致昏厥

杏仁

鬱金

滑石

黃芩

半夏

橘紅

枯藁皮

陳四五暑濕傷氣肺先受病諸氣皆痺當午後陽升煩喘更
加大無形氣病醫以重藥推消多見不效

西瓜翠衣

活水蘆根

杏仁

苡仁

又 酒客中虛重鎮攻消清氣愈傷夫暑邪皆着氣分苟
肺司清肅則其邪不攻自罷議仍以廓清爲法若雨露

從天下降炎。敵自蕩掃無餘。威喜丸二錢。寸服。

其二身熱。頭脹。腕悶。咳。噎。此暑邪外襲於肺。衛當清上焦。

絲瓜葉三錢 大杏仁三錢 香薷七分 通草一錢

飛滑石三錢 白蔻仁五分

陳 脈左勁。右濡。頭痛。腕悶。麻痺。欲厥。舌白。此暑邪內中。

蒙閉。清空。成瘧之象。平昔陰虛。勿犯中下二焦。

嫩竹葉 連翹 飛滑石 野薺金汁

大杏仁 川貝母

其二脈寸大。頭暈。腕中食不多。下暑熱氣從上受。治以若

辛寒方

竹葉

杏仁

鬱金

滑石

香豉

山梔

張^四七三瘡之邪在陰。未經向愈。春季洞利不食。想春雨外濕。水穀內聚亦濕。卽濕多成五泄之謂。瘡痍僅泄。經隧濕邪。而裏之濕邪未驅。長夏吸受暑邪。上蒙清空。諸數咳嗽耳聾。的係新邪。非得與宿病同日而語。

連翹

飛滑石

嫩竹葉

荷葉邊汁

桑葉

杏仁

象貝

黑山梔

程^三六暑風必挾濕。濕必傷於氣分。斷癰瘡發。卽濕邪內發之徵。濕伏熱蘊。致氣壅塞咽底腕中及至進穀無碍。二

使通調。中下無病顯然。

白通草

西瓜翠衣

活水蘆根

苡仁

吳 連朝驟熱。必有暑氣內侵。頭熱目暈。吸短神迷。此正
虛邪痺。清補兩難。先與益元散三四錢。用嫩竹葉心二
錢煎湯。涼用三四小杯。常用菜豆煎湯服。

龔 六暑必挾濕。二者皆傷氣分。從鼻吸而受。必先犯肺。乃
上焦病。治法以辛涼微苦。氣分上焦廓清則愈。惜乎耑
以剛書六經看病。仍是與風寒先表後裏之藥。致邪之
在上漫延結鑊。四十餘日不解。非初受六經。不須再辨
其謬。經云。病自上受者。治其上。援引經義以論治病。非

邪僻也。宗河間法。

杏仁

栝蒌皮

半夏

薑汁

白蔻仁

石膏

知母

竹瀝

秋露水煎

又 脉神頗安。昨午發疹。先有寒戰。蓋此病起於濕熱。當此無汗。肌腠氣窒。至膚間皮脫如縐。猶未能全泄其邪。風疹再發。乃濕因戰慄爲解。一月以來。病魔而肌無膏澤。瘦削枯槁。古謂瘦人之病。慮涸其陰。陰液不充。補之以味。然腥膻濁味。徒助上焦熱痰。無益培陰養液。况宿滯未去。腸胃氣尙窒鈍。必淡薄調理。上氣清爽。痰熱不至復聚。從來三時熱病。怕反覆於病後之復。當此九仞。

幸加意留神爲上

玄參心 細生地 銀花 知母 生甘草

川貝 丹皮 橘紅鹽水炒 竹瀝

此煎藥方。只用二劑可停。未大便時。用地冬汁膏。大便後。可用三才湯。

池 伏暑至深秋而發。頭痛煩渴少寐。

薄荷 淡竹葉 杏仁 連翹

黃芩 石膏 赤芍 木通

張 病幾一月。猶然耳聾神識不慧。嗽甚痰粘。呼吸喉間有音。此非傷寒暴感。皆夏秋間暑濕熱氣內鬱。新涼引

動內伏之邪。當以輕劑清解三焦。奈何醫者不曉伏氣爲病。但以發散消食寒涼清火爲事。致胃汁消亡。真陰盡燥。舌邊赤。齒板燥裂血。邪留管中。有內閉壅凝厥逆之變。况右脉小數。左脉濇弱。熱固在裏。當此陰傷日久。下之再犯亡陰之戒。從來頭面都是清竅。既爲邪蒙。精華氣血不肯流行。諸竅失司。聰明矣。此輕清清解。斷斷然也。議清上焦氣血之壅爲先。不投重劑苦寒。正倣古人肥人之病。慮虛其陽耳。

連翹心

玄參

犀角

鬱金

橘紅

蜜水炒

黑梔皮

川貝

鮮薑蒲根

加竹瀝

又 昨進清上焦法。諸症雖然畧減。而神識猶未清爽。總由病久陰液內耗。陽津外傷。聰明智慧之氣。俱被濁氣蒙蔽。所以子後午前稍清。他時皆不清明。以陽盛時。人身應之也。擬進局方至寶丹。藉其芳香。足以護陽逐邪。庶無內閉外脫之虞。

至寶丹每服三分。燈心嫩竹葉湯送。

又 脈右緩大。左弱。面垢色已減。痰嗽不爽。良由胃中津液。爲辛散溫燥所傷。心營肺衛。悉受熱煩蒸迫。致神呆喘急。目瞤。清陽阻痺。九竅不利。首方宜解氣血。繼方芳香通竅。無形令其轉旋。三焦自有專司。豈與俗醫但曉。

邪滯攻擊而已。今已獲效。當與清養劑。除肺氣。體素豐盛。陽弱不耐沉寒。然深秋冬交。天氣降。則上焦先受。試觀霜露下垂。草木皆改容色。人在氣交。法乎天地。兼察體質施治。

枇杷葉

炒黃川貝

橘紅

鬱金

茯苓

苡仁

王。暑風熱氣入肺。上熱痰喘嗽。

石膏

連翹

竹葉

杏仁

桑皮

苡仁

橘紅

生甘草

又肺氣壅遏。身熱喘咳。弱少。葶藶合葶藶大棗湯。

某五 暑風外襲。肺衛氣阻。頭脹。咳嗽。畏風。微熱。防作肺癰。

絲瓜葉

大杏仁

香薷

桔梗

連翹

六一散

某 舌灰黃。頭痛。咳逆。左肢掣痛。此煩勞陽動。暑風乘虛。

襲入。最慮風動中厥。

鮮荷葉

三錢

鮮蓮子

五錢

茯神

牛一錢

益元散

三錢

川貝母

半錢

橘紅

一錢

楊女 暑熱穢濁。阻塞肺部。氣滯。腹滿。宜以輕可去實。

西瓜翠衣

白通草

活水蘆根

生苡仁

臨好加入石膏末二錢

周二 暑風熱神呆。

鮮荷葉

苦丁茶

滑石

木通

杏仁

厚朴

廣皮

白蔻仁

郁六 暑熱頭脹咳嗽痛。

鮮荷葉

杏仁

射干

橘紅

桑皮

桔梗

木通

滑石

胡 不飢不食不便此屬胃病乃暑熱傷氣所致味變酸濁熱痰聚腕苦辛自能泄降非無據也。

牛夏瀉心湯去甘草乾薑加杏仁枳實

王

身熱自汗腹痛大小便不利脉虛右大左小暑熱內

閉凝和表裏法

薄荷

枳實

黃芩

生白芍

竹葉心

黑山梔

通草

甘草

程二 穢熱由清竅入直犯募原初頭痛肌脹今不飢痞悶

以苦辛寒法

杏仁

半夏

厚朴

橘紅

竹葉

黃芩

滑石

又 脈虛古赤消渴伏暑熱氣過衛入營治在手厥陰

竹葉

犀角

生地

麥冬

玄參

某六 舌黃脛悶頭脹口渴溺短此吸受穢氣所致

飛滑石三錢

白蔻仁七分

杏仁三錢

厚朴一錢

通草一錢

廣皮白一錢

某三穢暑吸入內結募原。腕悶腹痛。便泄不爽。法宜芳香

逐穢以疏中焦為主。

藿香梗

杏仁

厚朴

茯苓皮

半夏

廣皮

香附

麥芽

楊秋暑內燦。煩渴喜得冷飲。脉右小弱者。暑傷氣分。脉

必芤虛也。此非結胸症。宜辛寒以徹裏邪。

石膏

知母

厚朴

杏仁

半夏

薑汁

沈三脉小色白氣分不足兼之胃弱少食聞穢濁要刮痧陰柔之藥妨胃助瀉常以猪肚丸養胃入夏令熱更傷氣每食遠進生脉四君子湯一劑恪守日服可杜夏季客暑之侵生脉四君子湯長服猪肚丸
卜二春夏必吞酸肢痿麻木此體虛不耐陽氣升泄乃熱傷氣分爲病宗東垣清暑益氣之議

人參 黃芪 白朮 甘草 麥冬

五味 青皮 陳皮 澤瀉 葛根

升麻 黃柏 歸身 神麴

任...年真陰未長逢長夏濕熱交迫斯氣懣煩倦當

坐涼爽。過月涼變至炎。餘去乃却病之期。與清暑益氣之屬。清暑益氣法。

徐_四長夏濕熱令行。肢起膿窠。煩倦不嗜食。此體質本怯。而濕與熱邪皆傷氣分。當以注夏同參用清暑益氣法。

人參 白朮 廣皮 五味 麥冬

川連 黃柏 升麻 葛根 神麴

麥芽 穀芽 乾荷葉汁 泛丸

施_七以煩勞傷陽。交長夏發泄。令加見症。都是氣弱。亦熱傷氣也。煩渴有痰。先治其胃。蓋陽明經脈主乎束筋骨。以流利機關耳。金匱麥門冬湯。

臨證指南醫案卷五

吳診脉肝胆獨大尺中動數先天素弱水虧木少滋榮
常春深長夏天地氣機泄越身中煩倦食減皆熱傷元
氣所致進以甘酸充養胃陰少俟秋肅天降培植下焦
固納爲宜

炒麥冬 木瓜 北沙參 生甘草 烏梅

營入心

程暑久入營夜寐不安不飢微痞陰虛體層護理心用

鮮生地 玄參 川連 銀花

連翹 丹參

顧三陰虛遺熱小便淋瀝近日目昏初起寒熱頭痛汗出
不解肌肉麻木手足牽強神昏如寐成瘡則輕症厥則

重

犀角

玄參

小生地

連翹心

竹葉心

石膏蒲

滑石

化牛黃丸

二服

某

初病伏暑傷於氣分微熱渴飲邪犯肺也失治邪張

逆走膈中遂舌絳縮小便忽閉鼻煤裂血口瘡耳聾神

呆由氣分之邪熱漫延於血分矣夫肺主衛心主營營

衛二氣晝夜行於經絡之間與邪相遇或涼或熱今則

入於絡津液被劫必漸昏寐所謂內閉外脫

鮮生地

連翹

玄參

犀角

石膏蒲

金銀花

暑風入營

汪 暑風久入營絡微熱忽涼議用玉女煎

玉女煎去麥冬牛膝加丹皮竹葉

暑病久延傷陰

金 熱止津津汗出伏暑已解只因病魔日久平素積勞

形色脉象虛衰深慮變病今飲食未進寤寐未寧議以
飲液補虛

人參

茯神

麥冬

五味

炒白芍

塊辰砂一兩綿裹同煎

又 熱久胃汁被劫不飢不便亦病後常事耳古人論病
必究寢食今食未加餐難寐神識未清爲病傷元氣而
熱病必消燦真陰議用三才湯

暑熱深
入劫陰

人參 天冬 生地 麥冬 五味子

顧

右脉空大左脉小孔寒熱麻痺腰痛冷汗平素積勞
內虛秋暑客邪遂干臟陰致神迷心熱煩躁刮痧似乎
暑爽病不肯解此非經絡間病頗慮熱深劫陰而為瘥
厥張司農集諸賢論暑病謂人肝則麻痺入腎為消渴
此其明徵議清陰分之邪仍以養正輔之

阿膠 小生地 麥冬 人參

小川連 烏梅肉

暑熱深
入劫陰

某

暑濕熱氣觸人上焦孔竅頭脹腕悶不飢腹痛惡心
延久不清有瘧痢之憂醫者不明三焦治法混投發散

消食宜乎無效

杏仁

香薷

橘紅

黑山梔

半夏

厚朴

滑石

黃芩

漲

舌白罩灰黑。胸脘痞悶。潮熱嘔惡。煩渴汗出。自利伏

暑內發。三焦均受。然清理上中爲要

杏仁

滑石

黃芩

半夏

厚朴

橘紅

黃連

鬱金

通草

某

暑熱鬱遏。頭脹脛痛。口渴溺短。當清三焦

絲瓜葉

飛滑石

淡竹葉

茯苓皮

厚朴

藿香

廣皮

通草

何暑濕皆客邪也。原無質。故初起頭脹胸滿。但傷上焦氣分耳。酒家少穀。胃氣素薄。一派消導。雜以辛散苦寒。胃再傷殘。在上濕熱。延及中下。遂協熱自利。三焦邪蒸。氣衝塞填胸。躁亂口渴。瓜菓下脫。格拒相鬪。此中宮大傷。況進熱飲。畧受其爲。胃陽殘憊。而邪結內陷。可知矣。考暑門時風煩躁。清濁交亂者。昔賢每以來復丹五六粒。轉運清濁爲先。攻補難施之際。望其效靈耳。

來復丹

吳 目黃脫悶。咽中不爽。嘔逆。寒少熱多。暑濕客氣之傷。三焦不通。非風寒之症。

大竹葉 黃芩 杏仁 滑石 陳皮白

厚朴 半夏 薑汁

又暑濕熱皆氣也。竝釀蓄滯痰於胃。遂口甜膩滯不飢。議以宣氣理痰。

川貝母 栝實皮 杏仁 黑山梔 澤瀉

另用二賢散

某四診脈弦。午後惡寒似熱。不飢。溺澀短赤。暑熱炎蒸外襲肺衛。遊行三焦。致氣分窒痺而然。當用和法。宜薄滋味。庶補滯患。

杏仁 香薷 木通 飛滑石

茯苓

厚朴

白蔻仁

淡竹葉

又

照前方去香薷加半夏

楊二暑熱必挾濕。吸氣而受。先傷於上。故仲景傷寒先分六經。河間溫熱須究三焦。大凡暑熱傷氣。濕着阻氣。肺主一身周行之氣。位高爲手太陰經。據述病樣。面赤足冷。上腕痞塞。其爲上焦受病顯著。緣平素善飲。胃中濕熱久伏。辛溫燥烈。不但肺病不合。而胃中濕熱得燥熱。錮閉下利。稀水。卽協熱下利。故黃連苦寒。每進必利甚者。苦寒以勝其辛熱。藥味尙留於胃底也。然與初受之肺邪無當。此石膏辛寒。辛先入肺。知母爲味清涼。爲肺

之母氣然不明邪。徒曰生津焉。是至理。昔孫真人未
診先問。最不悞事。再據主家說。及病起兩旬。從無汗泄。
經云。暑當汗。出勿止。氣分窒。壅日久。熱侵入血中。咯痰
帶血。舌紅赤。不甚渴飲。上焦不解。漫延中下。此皆急清
三焦。是第一章旨。故熱病之癰熱。留絡而爲遺毒。注腑
腸而爲洞利。便爲束手無策。再論濕乃重濁之邪。熱爲
薰蒸之氣。熱處濕中。蒸濡之氣。上迫清竅。耳爲失聰。不
與少陽耳聾同例。青蒿減柴胡一等。亦是少陽木藥。且
大病如大敵。選藥若選將。苟非慎重。鮮克有濟。議三焦
分清治從河間法。初三日。

飛滑石

生石膏

寒水石

大杏仁

炒黃竹茹

川通草

瑩白金汁

金銀花露

又暮診診脉後腹胸肌腠發現癰疹氣分濕熱原有暗泄之機早間所談餘邪遺熱必兼解毒者爲此下午進藥後診脉較大於早晨神識亦如前但舌赤中心甚乾燥身體捫之熱甚於早間此陰分亦被熱氣蒸傷瘦人慮其液涸然痰咯不清養陰藥無往而非膩滯議得早進清膈一劑而三焦熱穢之蓄當用紫雪丹二三匙藉其芳香宣竅逐穢斯錮熱可解濁痰不粘繼此調理之方清營分滋胃汁始可瞻顧其宿垢欲去猶在旬日之

外。古人謂下不嫌遲。非臆說也。紫雪丹一錢六分。

知母 竹葉心 連翹心 炒川貝 竹瀝

犀角 玄參 金汁 銀花露

又一劑後用

竹葉心 知母 葉豆皮 玄參

鮮生地 金銀花

又一劑後去銀花葉豆皮加人參麥冬

又初十申刻診經月時邪脉形小數。小爲病退。數爲餘熱。故皮腠麤蛻。氣血有流行之義。思食欲餐。胃中有醒豁之機。皆佳兆也。第舌赤而中心黃苔熱蒸。既久胃津

陰液俱傷。致噁物咽中若阻。溺澀尿管猶痛。咯痰濃厚。宿垢未下。若急遽攻奪。恐真陰更涸矣。此存陰爲主。而清腑兼之。故亂進食物。便是助熱。惟清淡之味。與病不悖。自來熱病。最怕食復勞復。舉世共聞。非臆說也。

細生地

玄參心

知母

炒川貝

麥冬

地骨皮

銀花露

竹瀝

又

脉症如昨。仍議滋清陰分餘熱。佐清上脘熱痰。

照昨日方去地骨皮。銀花露加鹽水炒橘紅。

某

脉虛傷暑。頭重脘悶。跣瘰。

絲瓜葉

三錢

大杏仁

三錢

六一散

三錢

茯苓皮

三錢

三錢

三錢

三錢

三錢

暑厥

暑厥

暑邪入厥陰

漢防已

錢一

綿茵陳

錢一

細木通

錢一

白蔻仁

五分

某

中惡暑厥

蒼朮白虎湯加滑石

王

暑邪寒熱。舌白不渴。吐血。此名暑瘵重症。

西瓜翠衣

竹葉心

青荷葉汁

杏仁

飛滑石

苡仁

萬

暑邪不解。陷入厥陰。舌灰消渴。心下板實。嘔惡吐衄。

寒熱下利血水。最危之症。

川連

黃芩

乾薑

生白芍

川椒

烏梅

人參

枳實

江

暑邪深入厥陰。舌縮。少腹堅滿。聲音不出。自利上下。

暑氣血

格拒危期至速。勉擬暑門酸苦泄熱輔正驅邪一法。

黃連

淡乾薑

烏梅

生白芍

半夏

人參

枳實

某八勞傷挾暑。肺氣受戕。咳血口乾。先清暑熱。

鮮荷葉

白扁豆

大沙參

茯神

苡仁

朱三三伏中。陰氣不生。陽氣不潛。其頭脹身痛。是暑邪初

受。暑濕熱必先傷氣分。故舌白口渴身痛。早晨清爽。午

夜煩蒸。狀如溫瘧。沐浴遶動血絡。宿病得時邪而來。仲

景云。先治新病。後理宿病。是亦陰氣先傷。陽氣獨發也。

鮮生地

石膏

知母

玄參

連翹

竹葉心

荷葉汁

王三雖是欬痰火血。然強能食。不知飢。目黃。晡熱。舌心黃。

已現暑熱客邪症象。此先宜清理肺胃。莫因久恙而投

膩補。

杏仁

象貝母

鬱金

川通草

桑葉

石膏

橘紅

苡仁

又晚服枇杷葉膏。早六味加阿膠麥冬。

又阿膠

雞子黃

小生地

麥冬

桑葉

炒黑丹皮

徐三勞傷挾暑。咳血不飢。

鮮荷葉汁

冲

大沙參

生苡仁

六一散

菜豆皮

杏仁

橘紅

白蔻仁

天之暑熱一動。地之濕濁自騰。人在蒸滯熱迫之中。若正氣設或有隙。則邪從口鼻吸入。氣分先阻。上焦清肅不行。輪化之機失於常度。水穀之精微亦蘊結而爲濕也。人身一小天地。內外相應。故暑病必挾濕者。卽此義耳。前人有因動因靜之分。或傷或中之候。以及入心入肝爲瘧爲痢。中痧霍亂。暴厥卒死。種種傳變之原。各有精義可參。茲不重悉。想大江以南。地卑氣薄。濕勝熱蒸。當此時候。更須防患於先。昔李笠

翁記中所謂使天只有三時而無夏。則人之病也必稀。此語最確。蓋暑濕之傷。驟者在當時爲患。緩者於秋後爲伏氣之疾。其候也。脉色必滯。口舌必膩。或有微寒。或單發熱。熱時腕痞氣窒。渴悶煩冤。每至午後則甚。入暮更劇。熱至天明得汗則諸恙稍緩。日日如是。必要兩三候外日減一日。方得全解。倘如元氣不支。或調理非法。不治者甚多。然是病比之傷寒。其勢覺緩。比之瘧疾。寒熱又不分明。其變幻與傷寒無二。其愈期反覺纏綿。若表之汗不易做。攻之便易瀉瀉。過清則肢冷嘔惡。過燥則唇齒燥裂。每遇秋來最多。

是症求之古訓不載者多。獨已任編名之曰秋時晚發感症似瘧。總當以感症之法治之。要知伏氣爲病。四時皆有。但不比風寒之邪一汗而解。溫熱之氣投涼卽安。夫暑與濕爲熏蒸粘膩之邪也。最難驟愈。若治不中窾。暑熱從陽上薰而傷陰化燥。濕邪從陰下沉而傷陽變濁。以致神昏耳聾。舌乾齩血。脫痞嘔惡。洞泄肢冷。棘手之候叢生。竟至潰敗莫救矣。參先生用意宗劉河間三焦論立法。認明暑濕二氣何者爲重。再究其病實在營氣何分。大凡六氣傷人。因人而化。陰虛者火旺。邪歸營分爲多。陽虛者濕勝。邪傷氣

分爲多。一則耐清。一則耐溫。臟性之陰陽。從此可知也。於是在上者以辛涼微苦。如竹葉連翹杏仁薄荷之類。在中者以苦辛宣通。如半夏瀉心之類。在下者以溫行寒性。質重開下。如桂苓甘露飲之類。此皆治三焦之大意也。或有所夾。又須通變。至於治氣分有寒溫之別。寒者宗諸白虎法。及天水散意。溫者從乎二陳湯。及正氣散法。理營分知清補之宜。清者如犀角地黃加入心之品。補者有三才復脈等方。又如濕熱沉混之蒼朮石膏湯。氣血兩燔之玉女法。開閉逐穢與牛黃及至寶紫雪等劑。扶虛進參附及兩儀諸

法隨其變幻。審其陰陽運用之妙。存乎心也。附驥蕪
詞高明教正。邵新甫

濕

濕阻上焦肺不肅降

馮一舌白頭脹身痛肢疼胸悶不食溺阻當開氣分除濕

飛滑石

杏仁

白蔻仁

大竹葉

炒半夏

白通草

王二酒肉之濕助熱內蒸釀痰阻塞氣分不飢不食便溺

不爽亦三焦病先論上焦吳如治肺以肺主一身之氣

化也

杏仁

枯蘗皮

白蔻仁

飛滑石

半夏

厚朴

吳五酒客濕勝變痰化火性不喜甜熱聚胃口犯肺氣逆吐食上中濕熱主以淡滲佐以苦溫

大杏仁 金石斛 飛滑石 紫厚朴 活水蘆根
孔 心中熱不飢不寐目黃自利濕熱內伏

淡黃芩 連翹 炒杏仁 白通草

滑石 野赤豆皮

某二濕溫阻於肺衛咽痛足跗痺痛當清上焦濕走氣目
和九

飛滑石 竹葉心 連翹 桔梗

射干 蘆根

周 病起旬日。猶然頭脹。漸至耳聾。正如內經病能篇所
云。因於濕。首如裹。此呃忒鼻衄。皆邪混氣之象。况舌色
帶白。咽喉欲閉。邪阻上竅。空虛之所。諒非苦寒直入胃
中。可以治病。病名濕溫。不能自解。卽有昏痺之變。醫莫
泛稱時氣而已。

連翹

牛蒡子

銀花

馬勃

射干

金汁

無名異
散

李 時令濕熱之氣。觸自口鼻。由募原以走中道。遂致清

肅不行。不飢不食。但溫乃化熱之漸。致機發不爲震動。
與形質滯濁有別。此清熱開鬱。必佐芳香。以逐穢爲法。

臨證指南醫案

卷五

枯薑皮

桔梗

黑山梔

香豉

枳殼

鬱金

降香末

某

吸受穢邪。募原先病。嘔逆邪氣分布。營衛皆受。遂熱

蒸頭脹。身痛經旬。神識昏迷。小水不通。上中下三焦交

病。舌白渴不多飲。是氣分窒塞。當以芳香通神。淡滲宣

竅。俾穢濕濁氣由此可以分消。

苡仁

茯苓皮

豬苓

大腹皮

通草

淡竹葉

牛黃丸二丸

吳

濕邪中傷之後。脾胃不醒。不飢口渴。議清養胃津爲

穩。

濕熱傷胃津

濕溫邪
入心胞

鮮省頭草 知母 川斛 苡仁 炒麥冬

張姬

體壯有濕。近長夏陰雨潮濕。着於經絡。身痛目利。發

熱。仲景云。濕家大忌發散。汗之則變。痘厥脉來小弱而
緩。濕邪凝遏陽氣。病名濕溫。濕中熱氣。橫冲心胞絡。以
致神昏四肢不煖。亦手厥陰見症。非與傷寒同法也。

犀角 連翹心 玄參 石菖蒲

金銀花 野赤豆皮 煎送至寶丹

蔡 陽虛挾濕邪熱內陷。所以神識如蒙。議用瀉心法。

人參 生乾薑 黃芩 川連

枳實 生白芍

張一此濕蘊氣中足太陰之氣不為鼓動運行試以痞結
胸滿仲景列於太陰篇中。然可推求其理矣。

牛夏醋炒 茯苓 川連 厚朴 通草湯煎

周 濕傷脾陽。腹膨小溲不利。

茅朮 厚朴 茯苓 澤瀉

猪苓 秦皮

又 五苓散 又 二木膏

范 四肢乍冷。自利未已。目黃稍退。而脾倦不語。濕邪內

伏。是太陰之氣不運。經言脾竅在舌。邪滯竅必少靈。以

致語言欲蹇。必當分利。佐辛香以熱運坤陽。是太陰裏

症之法

生於朮

三錢

厚朴

五分

茯苓

三錢

草薢仁

七分

木瓜

五分

澤瀉

五分

又

身體稍稍轉動。語蹇神呆。猶是氣機未為靈轉。色脉非是有餘。而濕為陰邪。不徒偏寒偏熱已也。

生於朮

茯苓

苡仁

鬱金

炒遠志

石菖蒲汁

又

脾胃不醒。皆從前濕蒸之累。氣升咳痰。參藥緩進。

炒黃川貝

茯苓

苡仁

鬱金

地骨皮

淡竹葉

又濕滯於中氣蒸於上失降不得寐口數白疳仍不渴飲開上鬱佐中運利腸間亦是宣通三焦也

生於朮 五錢 苡仁 三錢 寒水石 一錢 桔梗 七分

猪苓 一錢 澤瀉 一錢 廣皮白 一錢

濕阻中焦陽氣 曹三腸胃屬腑濕久生熱氣阻不爽仍以通為法

生於朮 川黃連 厚朴 淡生薑渣

廣皮白 酒煨大黃 水法丸服三錢

李四五脉小滿痰多上湧食入脘阻大便不爽上秋至今夏不愈自述飢飽失和曾病黃疸以濕傷氣痺主治

大杏仁 苡仁 半夏 薑汁

茯苓

橘紅

鬱金

香鼓

俞五 酒濕鬱傷。腕中食阻而痛。治以辛苦寒。

小川連

半夏

薑汁

枳實

茯苓

香鼓

某九 舌白目黃。口渴溺赤。脉象呆鈍。此屬濕鬱。

綿茵陳

錢三

生白朮

錢三

寒水石

錢三

飛滑石

錢三

桂枝木

錢一

茯苓皮

錢三

木猪苓

錢三

澤瀉

錢一

李 酒客中虛。粵地潮濕。長夏涉水。外受之濕。下起水蠱。

不運。中焦之濕內聚。治法不以宣通經腑。致濕阻氣分。

鬱而為熱。自脾胃不主運通。水濕橫漬於脉腰之間。二

便不爽。濕熱濁氣交扭混亂。前輩治中滿必曰分消。此分字明明謂分解之義。但亂藥既多。不能去病。就是脾胃受傷於藥。蔓延臆肢。腫極且痛。病深路遠。藥必從喉入胃。然後四布。病所未得藥益。清陽先已受傷。此湯藥難以進商也。議用丹溪小溫中丸三錢。揣以疎利腸中。取其不致流散諸經。亦一理也。小溫中丸八服。

某三陽微體。質濕痰內聚。便溺脫悶。肌麻舌乾。清理濕邪。氣機升降自安。

金石斛

茯苓

牛黃

廣皮白

鉤藤

白茯苓

張 脉右緩濕着阻氣

厚朴

廣皮

煨草菓

炒查肉

藿香梗

炒神麴

某二 不耐煩勞是本虛。腕悶便泄屬濕邪。先治濕。後治本。

藿香梗

廣皮

茯苓

大腹皮

厚朴

穀芽

陸 濕滯如痞

山茵陳

草果仁

茯苓皮

大腹皮

厚朴

廣皮

猪苓

澤瀉

汪三 舌黃脘悶。穢濕內着。氣機不宜。如久釀蒸。必化熱氣。

卽有身熱之累

杏仁

藿香

茯苓皮

滑石

厚朴

廣皮白

某 閱病源。皆濕熱內停之象。當走濕清熱爲主。至於藥

酒蘊濕助熱尤當永戒

生白朮

赤小豆皮

綿茵陳

黃柏

茯苓

澤瀉

某 脈濡。頭脹。胸身重着而痛。寒熱微嘔。此濕阻氣分。

厚朴

杏仁

白薏仁

木通

茯苓皮

大腹皮

滑石

竹葉

某 長夏外受暑濕與水穀之氣相併上焦不行下脘不
通氣阻熱從濕下蒸通不飢不食目黃舌白氣分之結
厚朴 杏仁 廣皮 茯苓
半夏 薑汁
某 脈緩身痛汗出熱解繼而復熱此水穀之氣不運濕
復阻氣鬱而成病仍議宣通氣分熱自濕中而來徒進
清熱不應

黃芩

滑石

茯苓皮

大腹皮

白蔻仁

通草

猪苓

方四 形質頗然脈遲小滿不食不寐腹痛大便窒痺平昔

嗜酒少穀中虛濕結陽傷寒濕濁陰鳩聚爲痛

炒黑生附子 炒黑川椒 生淡乾薑 葱白

調入猪胆汁一枚

王二 冷濕損陽經絡拘束形寒酒客少穀勞力所致

桂枝 淡乾薑 熟附子 生白朮

莫十五 今年夏四月寒熱不飢是時令潮疹氣蒸內燔脾胃

夫濕屬陰晦必傷陽氣吞酸形寒乏陽運行緩鼓運轉

施脾胃一法 芩薑朮桂湯

某六 地中濕氣自足先腫濕屬陰邪陽不易復畏寒筋骨

猶牽強無力以金匱芩薑朮桂湯

陳五濁凝氣結有形酒肉挾濕

菓撥

生香附汁 木香

菓

茯苓

廣皮白

江脉緩臍上痛腹微膨便稀溺短不爽此乃濕鬱脾胃之陽致氣滯裏急宗古人導濕分消用桂苓散方

生茅朮

官桂

茯苓

厚朴

廣皮白

飛滑石

猪苓

澤瀉

炒查肉

林

二

中年清陽日薄忽然脫中痞悶乃清陽不自轉旋酒

肉濕濁之氣得以凝聚矣過飲糖瀉濕傷脾胃胃陽微仲景法以輕劑宣通其陽若投破氣開降最傷陽氣有

裕拒之害。苓桂朮甘湯。

嚴三胸滿不飢。是陽不運行。嗜酒必挾濕。凝阻其氣。久則三焦皆閉。用半硫丸。二便已通。議治上焦之陽。

苓桂朮甘湯

王六病人述病中厚味無忌。腸胃滯雖下。而留濕未解。濕重溺。令氣下墜於肛。肛墜痛不已。胃不喜食。陽明失闔。舌上有白腐形色。議劫腸胃之濕。

生茅朮

人參

厚朴

廣皮

炮薑灰

生炒黑附子

胡仁受濕患瘡。久瘡不愈。乏氣泄。半年淹淹無力。食少。屢墮。

難化。此脾胃病。法以運中陽爲要。

茯苓

桂枝

生於朮

炙草

苡仁

生薑

汪 夏令脾胃司氣兼以久雨泛潮。地中濕氣上干。食味

重濁少運。所謂濕勝成五泄也。古云寒傷形。熱傷氣。芒

種夏至天漸熱。宜益氣分以充脾胃。此夏三月必有康

健之理。補中益氣湯

蘇邪濕
漫三焦

某五 穢濕邪吸受。由募原分布三焦。升降失司。脘腹脹悶。

大便不爽。當用正氣散法。

藿香梗

厚朴

杏仁

廣皮白

茯苓皮

神麴

麥芽

綿茵陳

蔡

仲景云。小便不利者。爲無血也。小便利者。血証諦也。

此症是暑濕氣蒸。三焦瀰漫。以致神昏。乃諸竅阻塞之兆。至小腹硬滿。大便不下。全是濕鬱氣結。彼旁醫猶然以滋味呆鈍滯藥。與氣分結邪相反極矣。議用甘露飲法。

豬苓

浙茯苓

寒水石

晚蚕沙

皂莢子

皮去

某

四十脫悶。便澀。身痛。脉象模糊。此屬濕蘊三焦。

厚朴

廣皮

藿香梗

茯苓皮

大豆黃卷

木防己

川通草

苡仁

酒濕傷
陽鬱生
胃絕

牛 向年積聚。快服燥熱諸藥。頻與消奪。推陳致新。乃安
身處江南濕熱之鄉。飲啖仍用山右濃重之味。留熱由
腸升膈。三焦不清。議攻無形之熱。

清心涼膈。去芒硝。加葛蒲。

韓三 冷酒水濕傷中。上嘔食下。泄脂液。陽氣傷極。再加浮
腫。作脹則危。

人參

茯苓

熟附子

生於朮

生白芍

生薑

又 酒濕類聚。例以分利。診脈微。陽氣已敗。濕壅生熱。至
胃瘧脹。清熱則陽亡。即死。朮專運中祛濕。佐附子走氣。

分亦治濕一法

茯苓

熟附子

生白朮

左牡蠣

澤瀉

車前子

陽衰濕傷脾腎

龐四濕久脾陽消乏中年未育子腎真亦憊做安腎丸法

鹿茸

胡蘆巴

附子

韭子

赤石脂

補骨脂

真茅朮

茯苓

菟絲子

大茴香

張五陽傷痿弱有濕麻痺痔血

生白朮

附子

乾薑

茯苓

某三舌白身痛足跗浮腫從太陰穴水流如注此濕邪伏

於是少陰當用溫蒸陽氣為主

肝胃熱

鹿茸 次附子 草果 更絲子 茯苓

楊

厥陰爲病必錯雜不一。瘧痢之後肝臟必虛。發症左
脇有痞腹中塊礪外堅脇下每常汨汨有聲惡虛就實。
常有寒熱胃中不知飢而又嘈雜吞酸脉長而數。顯然
厥陰陽明濕熱下滲前陰陽瀰而爲濕熱症也。議用升
發陽明胃氣滲泄厥陰濕熱其症自愈。

蒼朮 半夏 茯苓 橘紅 通草

當歸 柏子仁 沙蒺藜 川棟子 茴香

卽丸方

渴鬱甚
節分

浦氏

胸膈迷漫胃痛嘔食肢節屈曲處冷痛經落後來時

周身腰脊不舒脉弦沉痛即便溲此濕鬱阻閉氣血不行。用藥先須斷酒。

生茅朮

炮黑川烏

薑汁

白芥子

厚朴

廣皮

草撥

茯苓

濕熱入經絡為痺

徐

溫瘧初愈驟進濁膩食物濕聚熱蒸結於經絡寒戰

熱熾骨節煩疼舌起灰滯之形面色痿黃色顯然濕熱

為痺仲景謂濕家忌投發汗者恐陽傷變病蓋濕邪重

着汗之不却是苦味辛通為要耳

防已

杏仁

滑石

醋炒半夏

連翹

山梔

苡仁

野赤豆皮

濕熱經
痛

某四風暑濕渾雜氣不主宣咳嗽頭脹不飢右改若廢法

當通陽驅邪

杏仁 三錢

苡仁 三錢

桂枝 五分

生薑 七分

厚朴 一錢

牛夏 一錢

漢防已 一錢

白茯苓 二錢

某汗多身痛自利小溲全無胸腹白疹此風濕傷於氣

分醫用血分涼藥希冀熱緩殊不知濕鬱在脉為痛濕

家本有汗不解

苡仁

竹葉

白薏仁

滑石

茯苓

川通草

濕為重濁有質之邪若從外而受者皆由地中之氣

升騰從內而生者。皆由脾陽之不運。雖云霧露雨濕。上先受之地中潮濕。下先受之。然霧露雨濕。亦由地氣上升而致。若地氣不升。則天氣不降。皆成燥症矣。何濕之有其傷人也。或從上。或從下。或遍體皆受。此論外感之濕邪。着於肌軀者也。此雖未必卽入於臟腑。治法原宜於表散。但不可大汗耳。更當察其兼症。若兼風者。微微散之。兼寒者。佐以溫藥。兼熱者。佐以清藥。此言外受之濕也。然水流濕。火就燥。有同氣相感之理。如其人飲食不節。脾家有濕。脾主肌肉。四肢則外感肌軀之濕。亦漸次入於臟腑矣。亦有外不

受濕而但濕從內生者必其人膏粱酒醴過度或者
飲茶湯太多或食生冷瓜果及甜膩之物治法總宜
辨其體質陰陽斯可以知寒熱虛實之治若其人色
蒼赤而瘦肌肉堅結者其體屬陽此外感濕邪必易
於化熱若內生濕邪多因膏粱酒醴必患濕熱濕火
之症若其人色白而肥肌肉柔軟者其體屬陰若外
感濕邪不易化熱若內生之濕多因茶湯生冷太過
必患寒濕之症人身若一小天地今觀先生治法若
濕阻上焦者用開肺氣佐淡滲通膀胱是即啟上閤
開支河導水勢下行之理也若脾陽不運濕滯中焦

者用木朴薑牛之屬以溫運之。以芩澤腹皮滑石等
滲泄之。亦猶低窩濕處必得烈日晒之。或以剛燥之
土培之。或開溝渠以泄之耳。其用藥總以苦辛寒治
濕熱。以苦辛溫治寒濕。藥以淡滲佐之。或再加風藥。
甘酸膩濁在所不用。總之腎陽充旺。脾土健運。自無
寒濕諸症。肺金清肅之氣下降。膀胱之氣化通。調自
無濕火濕熱暑濕諸症。若夫失治變幻。則有腫脹黃
疸泄瀉淋閉痰飲等類。俱於各門兼參之可也。華輔

燥

氣分熱

某 脉右數大議清氣分中燥熱

桑葉

杏仁

大沙參

象貝母

香豉

黑梔皮

肺胃津液虛

卞 夏熱秋燥致傷都因陰分不足

冬桑葉

王竹

生甘草

白沙參

生扁豆

地骨皮

麥冬

花粉

火藥上焦

某 燥火上鬱齟脹咽痛當辛涼清上

薄荷梗

連翹殼

生甘草

黑梔皮

心陽過動傷液

桔梗

萊豆皮

王六老人舌腐肉消肌枯心事繁冗陽氣過動致五液皆涸而爲燥冬月無妨夏月深處林壑心境凝然可以延年每早服牛乳一杯

胃陰虛

陳秋燥復傷宿恙再發未可補瀉姑與甘藥養胃

麥冬

玉竹

北沙參

生甘草

茯神

糯稻根鬚

某上燥治氣下燥治血此爲定評今陽明胃腑之虛因久病嘔逆投以辛耗破氣津液劫傷胃氣不主下行致腸中傳送失司經云六腑以通爲補牛月小效全在一

通補工夫豈徒理燥而已。議甘寒清補胃陰。

鮮生地 天冬 人參 甜梨肉 生白蜜

張 脉數虛舌紅口渴。上齧乾涸。腹熱不飢。此津液被劫。陰不上承。心下溫溫液液。用炙甘草湯。

炙甘草 阿膠 生地 麥冬

人參 麻仁

某氏 心中煩熱。正值經來。而熱渴不已。若清肺氣。大謬。用復脈法。

炙甘草 生地 阿膠 麥冬

棗仁 蔗漿

某陽津陰液重傷餘熱淹留不解臨晚潮熱舌色若赭頻飲救亢陽焚燎究未能解渴形脉俱虛難投白虎議以仲景復脉一法爲邪少虛多使少陰厥陰二臟之陰少甦冀得胃關復振因左關尺空數不藏非久延所宜耳

人參

生地

阿膠

麥冬

炙草

桂枝

生薑

大棗

燥爲乾澀不通之疾內傷外感宜分外感者由於天時風熱過勝或因深秋偏亢之邪始必傷人上焦氣分其法以辛涼甘潤肺胃爲先喻氏清燥救肺湯及

先生用玉竹。門冬。桑葉。薄荷。梨皮。甘草之類。是也。內傷者。乃人之本病。精血下奪而成。或因偏餌燥劑所致。病從下焦陰分先起。其法以純陰靜藥。柔養肝腎爲宜。大補地黃丸。六味丸之類是也。要知是症大忌者。苦。澀。最喜者。甘。柔。若氣分失治。則延及於血。下病失治。則稿及乎上。喘咳痿厥。三消噎膈之萌。總由此致。大凡津液結而爲患者。必佐辛通之氣味。精血竭而爲患者。必藉血肉之滋填。在表佐風藥而成功。在腑以緩通爲要務。古之滋燥養營湯。潤腸丸。五仁湯。瓊玉膏。一炁丹。牛羊乳汁等法。各有當司也。邵新甫

疫

篇邪入
心胞
漸于

朱

疫癘穢邪從口鼻收受分布三焦瀰漫神識不是風

寒客邪亦非停滯裏症故發散清導即犯劫津之戒與
傷寒六經大不相同今喉痛丹疹舌如硃神躁昏昏上
受穢邪逆走膈中當清血絡以防結閉然必大用解毒
以驅其穢必九日外不致昏憤冀其邪去正復

犀角

連翹

生地

玄參

葛蒲

鬱金

銀花

金汁

姚

疫癘口糜丹疹喉咽治在上焦

犀角

鮮生地

玄參

連翹

石膏

銀花

金汁

至寶丹

譚 口鼻吸入穢濁白肺系漸干心胞絡初病喉痛舌燥。最怕竅閉神昏之象。疫毒傳染之症不與風寒停滯同法。

玄參

連翹

替金

銀花

石膏

龍葉

射干

牛蒡

沖入真白金汁一杯

楊 吸入疫癘三焦皆受久則血分漸瘀愈結愈熱當以鹹苦之製仍是輕揚理上倣古大製小用之意。

玄參

西瓜翠衣

金銀花露

紫白金汁

金氏

人靜則神昏。病邪竟入腦。王先生方甚妙。愚意兼以

芳香宣竅逐穢。至寶丹

疫癘一症。都從口鼻而入。直行中道。流布三焦。非比
傷寒六經可表可下。夫疫爲穢濁之氣。古人所以飲
芳香。採蘭草以襲芬芳之氣者。重滌穢也。及其傳變。
上行極而下。下行極而上。是以邪在上焦者。爲喉啞。
爲口糜。若通傳臍中者。爲神昏舌絳。爲喉痹丹疹。今
觀先生立方。清解之中。必佐芳香宣竅逐穢。如犀角
菖蒲銀花鬱金等類。兼進至寶丹。從表透裏。以有靈
之物。內通心竅。搜剔幽隱。通者通。鎮者鎮。若邪入營

中三焦相涵熱愈結邪愈深者理宜鹹苦大製之法
仍恐性速直走在下故用玄參金銀花露金汁瓜蔓
皮輕揚理上所謂倣古法而不泥其法者也考是症
惟張景岳劉嘉言吳又可論之最詳然宗張喻二氏
恐有遺邪留患若宗吳氏又恐邪去正傷惟在隨症
權衡無或致盛無虛虛而遺人天殃方不愧爲司命矣
鄒滋九

癰痧疹癰

三焦火熱

張 伏氣熱蘊三焦心凜熱發煩渴。遍體赤癰夜躁不寐。

兩脉數搏

羚羊角

犀角

連翹心

玄參心

鮮生地

金銀花

花粉

石膏蒲

又 寒熱必有形象攻觸及於胃腕之下。口渴喜飲煖湯。

癰已發現病不肯退。此邪氣久伏厥陰之界矣。

桂枝

川連

黃芩

花粉

牡蠣

枳實

嚴 濕溫難受身發斑疹。飲水渴不解。夜煩不成寐。病中強食反助邪威。議用涼膈疎斑方法。

連翹

薄荷

杏仁

鬱金

枳實汁

炒牛蒡

山梔

石膏

又 舌邊赤。昏譫。早輕夜重。斑疹隱約。是溫濕已入血絡。夫心主血。邪干膈中。漸至結閉。爲昏癡之危。苦味沉寒。竟入中焦。消導辛溫。徒劫胃汁。皆溫邪大禁。議清疎血。分輕劑以透裏。更參入芳香逐穢。以開內竅。近代喻嘉言申明戒律。宜遵也。

犀角

玄參

連翹

銀花

風溫

石菖蒲

先煎至六分後和入雪白金汁一杯鹽

服研入周少川牛黃丸一丸

江

溫邪發疹濕熱內蘊便閉不通先開上焦

杏仁

蘇子

枯蘆皮

紫苑

山梔

某

風溫發痧

薄荷

連翹

杏仁

牛蒡子

桔梗

桑皮

甘草

山梔

某

風溫發疹

薄荷

赤芍

連翹

牛蒡子

桔梗

桑皮

甘草

山梔

熱邪入胞絡

費

暴寒驟加伏熱更熾邪鬱則氣血壅遏痧疹不肯外達痰氣交阻神迷喘促漸入心胞絡中有內閉外脫之憂熱注下迫自利粘膩不爽法當開其結閉消毒解其膈中之壅必得神清方保無變

連翹心

飛滑石

石膏蒲

炒金銀花

射干

通草

煎化牛黃丸一九

濕熱移肺

朱二十痧後痰多咳嗽氣急

蘆根

一兩

杏仁

半錢

桔梗

一錢

飛滑石

半錢

桑皮

八分

通草

一錢

痧後陰

某

痧後伏火未清內熱身痛

王竹

白沙參

地骨皮

川斛

麥冬

生甘草

某

秘後熱不止。陰傷。

生白芍

炙甘草

生扁豆

炒麥冬

川斛

穀芽

外寒內熱

章

涼風外襲。伏熱內蒸。秋金主令。內應乎肺。喘咳身熱。

始而晝熱。繼而暮熱。自氣分漸及血分。齟肉紫而肌壘。

發疹。辛寒清散為是。

薄荷

連翹

石膏

淡竹葉

杏仁

桑皮

苡仁

吳 病在暴冷而發。肌表頭面不透。是外蘊爲寒。內伏爲熱。肺病主衛。衛氣分兩解爲是。

麻黃

石膏

牛蒡子

枳殼汁

杏仁

射干

桔梗

生甘草

陽明血熱

尹 環口燥裂而痛。頭面身牛以上。發出癰疹赤紋。乃陽

明血熱。久蘊成毒。瘦人偏熱。頗有是症。何謂醫人不識。

犀角地黄湯

溫邪內

江 溫邪自利。癰疹。

黃芩

連翹

牛蒡

桔梗

香豉

薄荷

杏仁

橘紅

通草

胆火
熱

李_二發癰熱腫。獨現正面。每遇九十月大發。五六月漸愈。七八年來如是。因思夏令陽氣宣越。營衛流行無間。秋冬氣凜外薄。氣血凝滯。此濕熱漫無發泄。乃少陽木火之鬱。及陽明蘊蒸之濕。故上焦尤甚耳。法以辛涼佐以苦寒。俾陽分鬱熱得疎。庶幾發作勢緩。

夏枯草

鮮菊葉

苦丁茶

鮮荷葉邊

羚羊角

黑蛇皮

鬱金

苡仁

唐_四麻木忽高腫發癰。必有風濕襲入皮膜。乃軀殼病。昔

人每以宣行通劑

片薑黃

羚羊角

川桂枝

撫芎

半夏

白芥子

某九風塊癢癢咳嗽腹痛邪着表裏當用雙和

牛蒡子

杏仁

連翹

桔梗

桑枝

象貝母

煎藥送通聖丸

癰者有觸目之色而無碍手之質卽稠如錦紋稀如
蚊跡之象也或佈於胸腹或見於四肢總以鮮紅起
發者爲吉色紫成片者爲重色黑者爲凶色青者爲
不治蓋有諸內而形諸外可決其臟腑之安危邪正
之勝負也始傷寒癰疽諸症失於宣解邪蘊於胃腑
而走入營中每有是患耳考方書之治其法不一大

抵由失表而致者當求之汗失下而致者必取乎攻。火甚清之毒甚化之營氣不足者助其虛而和之托之。至於陰癰一說見象甚微若必指定些些之癰點爲陰猶恐不能無誤。想前人此例無非覺後人勿執見癰爲實熱之義也。吾故曰必參之脈象及兼證方安。痧者疹之通稱有頭粒而如粟象。癰者卽疹之屬腫而易痒須知出要周勻沒宜徐緩不外乎太陰陽明之患故繆氏謂以肺胃論治爲精也。若先生之法本乎四氣隨其時令之勝復酌以辛涼辛勝及甘寒苦寒鹹寒淡滲等法而治之凡吾幼科諸友於此尤

當究心焉。
邵新甫

痰

痰

汪五宿哮久矣不發。心悸震動。似乎懊惱之象。此屬痰火。治以宣通鬱遏。勿徒呆補。

半夏

川連

石膏

蒲

蛤粉

枳實

茯苓

川鬱金

橘紅

竹瀝薑汁法丸

劉

痰火鬱遏氣滯。吸烟上熱助壅。是酒肉皆不相宜。古

稱痰因氣滯熱鬱。治當清熱理氣爲先。

川連

白朮

枳實

厚朴

茯苓

半夏

淡薑湯泛丸

沈三痰火久嗽 海蛤丸

張雄痰火風眩暈防仆跌

明天麻 炒半夏 茯苓 橘紅

羚羊角 鉤藤 竹瀝

陳姬老年痰火咳逆痰有穢氣

蘆根 苡仁 桃仁 絲瓜子

葶藶 大棗

又下虛不納濁泛嘔逆痰穢氣

熟地炭 紫衣胡桃肉 炒杞子 炒牛膝

川斛 茯苓

某 痰火上逆蒙竅耳鳴頭暈 二陳加天麻鈎藤甘菊

羌羊藿皮。

某 夏至節兩關脈弦長五火燔燎而肝陽胃陽尤甚動
怒抽掣爲肝病食辛香厚味卽病至胃病使然痰火根
深非頃刻可掃除惟靜養勿恚忿薄味以清裏此病發
之勢必緩由漸加功議藥乃近理治法

羚羊角 犀角 川連 鬱金 山梔

北秦皮 牛黃 胆星 橘紅 生石膏

寒水石 金箔 方諸水法九竹葉燈心湯送

何 姪 診脈右關弦滑痰多舌乾微強語言似蹇蓋因痰火

上蒙津液不得上承。高年頗慮風痹。宜清上宣通。勿進剛燥及賦滯之藥。

半夏 金石斛 橘紅 黑山施 茯苓

鬱金 生甘草 石菖蒲 竹瀝 薑汁

張 昏昏如寐。神憤如迷。痰熱內閉。勢非輕渺。

半夏 石菖蒲 桔梗 枳實

鬱金 橘紅 竹瀝 薑汁

某 鬱痰

半夏 鬱金 石菖蒲 明天麻

白茯苓 橘紅 茯苓 鉤藤

痰熱內閉神昏

鬱痰

函 脈左弦堅搏痰多食不易運此鬱慮已甚肝侮脾胃
有年最宜開懷不致延及噎膈

半夏

薑汁

茯苓

杏仁

贊金

橘紅

又 脈如前痰氣未降 前方去杏仁加白芥子

濕熱痰

金 六 濕熱內蒸痰火日夥根本漸怯陽泄爲汗陰泄遺濁

酒客喜於爽口食物醫藥中滋膩補方決不適用也

豬肚丸方

葉 久寓南土水穀之濕蒸熱聚痰脈沉弦目黃肢末易
有瘡疾皆濕熱盛致氣隧不得流暢法當苦辛寒清裏

痰

至

通肌。倣前輩痰因熱起。清熱爲要。

生茅朮 黃柏 瓜蒌實 山梔 萊服子

川連 半夏 厚朴 橘紅 竹瀝薑汁丸

某病後厚味蒸痰。

風化硝 瓜蒌仁霜 枳實 鬱金

生茯苓 薑汁炒山梔 竹瀝法丸

汪脈脹濕阻熱痰。

半夏 茯苓 黑山梔 橘紅

製茯苓 遠志 降香

太史記
徐陽動內風用滋養肝腎陰藥壯水和陽亦屬近理夏

季春胃主司肝胆火風易於貫膈犯中。中土受木火之傷。陽明脈衰。痰多。經脈不利矣。議清少陽鬱熱。使中宮自安。若畏虛滋膩。上中愈實。下焦愈虛。二陳去甘草。加金斛桑葉丹皮。

又脈左浮弦數。痰多。腕中不爽。煩則火升。眩暈。靜坐神識安舒。議少陽陽明同治。

羚羊角

連翹

廣皮

炒半夏麴

黑山梔皮

香豉

又脈兩手已和。惟煩動恍惚。欲暈。議用靜藥。益陰和陽。

人參

熟地

天冬

金箔

肝腎虛火上升

痰火上盛。腎氣少攝。朝用通攝下焦。暮服清肅上焦。

方法

羚羊角

半夏

茯苓

橘紅

黑梔皮

鬱金

苦丁茶煎湯法丸暮服

熟地

淡薤蓉

杞子

五味

牛膝

茯苓

遠志

線膠

蜜丸早服

一色鮮明。屬上有痰飲。蓋上實則下虛。半百年茂未得

種玉。診得脈左小不靜。右部弦滑。法當清肺胃之熱痰。

益腎肝之精血。俟曼倩衛生方法。

燕窩膠

甜梨膏

人參

黃芪

麥冬

多
腎虛

山藥

茯苓

於朮

黃節

黑節

鹿尾膠

羊內腎

淡從蓉

故紙

胡棟
蒸

青鹽

丙

向來痰多食少而參朮服餌未合此稟質為陽不受
溫熱剛燥之劑上年冬季溫煖入春痰愈多體中微倦
由乎藏聚未固春氣自地升舉之徵法當攝腎固真乃
治痰之本方為有益

熟地

茯苓

補骨脂

胡桃肉

杞子

五味

牛膝

遠志

車前

蜜丸

痰症之情狀變幻不一古人不究標本每著消痰之
方立消痰之論者甚多後人遵其法而用之治之不

驗。遂有稱痰爲怪病者矣。不知痰乃病之標。非病之本也。善治者治其所以生痰之源。則不消痰而痰自無矣。余詳考之。夫痰乃飲食所化。有因外感六氣之邪。則脾肺胃升降之機失度。致飲食輸化不清而生者。有因多食甘膩肥腥茶酒而生者。有因本質脾胃陽虛。濕濁凝滯而生者。有因鬱則氣火不舒而蒸變者。又有腎虛水泛爲痰者。此亦因上衰不能制水。則腎中陰濁上逆耳。非腎中真有痰水上泛也。更有陰虛勞症。龍相之火上炎燻肺。以致痰嗽者。此痰乃津液所化。必不濃厚。若欲消之。不惟無益。而徒傷津液。

其餘一切諸痰初起皆由濕而生雖有風火燥痰之名亦皆因氣而化非風火燥自能生痰也其主治之法惟痰與氣一時壅閉咽喉者不得不暫用豁痰降氣之劑以開之。餘皆當治其本。故古人有見痰休治痰之論。此誠千古之明訓。蓋痰本飲食濕濁所化。人豈能禁絕飲食。若欲消之。由於外邪者邪散則痰或可清。如寒痰溫之。熱痰清之。濕痰燥之。燥痰潤之。風痰散之是也。若涉本原者必旋消旋生。有至死而痰仍未清者矣。此乃不知治本之故耳。今觀案中治法有因鬱因火者。必用開鬱清火爲君。以消痰佐之。

有因濕因熱者則用燥濕清熱畧佐化痰之品。若因
肝腎虛而生痰者則純乎鎮攝固補。此真知治痰之
本者矣。若因寒因濕者更當於痰飲門兼參而治之。
華嶠雲

痰飲

外寒引動相飲上逆

某六高年衛陽式微寒邪外侵引動飲邪上逆咳嗽形寒仲景云治飲不治咳當以溫藥通和之

杏仁 三錢

粗桂枝 錢一

淡乾薑 牛一錢
茯苓 三錢

苡仁 三錢

炙草 四分

周向有耳聾鳴响是水虧木火蒙蔽冬陽不潛亦屬下元之虛但今咳聲喉下有痰音脇痛卧着氣衝乃衝陽升而痰飲泛脈浮當此驟冷恐有外寒引動內飲議開太陽以肅上

雲茯苓

粗桂枝

乾薑

五味

同薑打

白芍

炙草

當午時服

某二新涼外束肺受寒冷氣餒不降宿飲上千而病發矣
法當暖護背心宿病可却

淡生薑粉

半夏

蛤蜊粉

茯苓

桂枝木

苡仁煎湯

某十五背寒咳逆此屬飲象先當辛遙飲邪以降肺氣

鮮枇杷葉

杏仁

茯苓

橘紅

生薑

半夏

某五脈右大弦氣喘咳唾濁沫不能着枕喜飲湯水遇寒

飲上逆
肺氣不
降

病發此屬飲邪留於肺衛如見咳投以清潤愈投愈劇矣
葶藶子 山東大棗

徐氏痰飲上吐喘不得卧乃溫邪阻蔽肺氣氣不下降壅滯不能着右議用宣通開氣分方法

小青龍去細辛麻黃加苡仁白糖炒石膏

沈^姬冬溫陽不潛伏伏飲上泛仲景云脈沉屬飲面色鮮明爲飲飲家咳甚當治其飲不當治咳綠高年下焦根蒂已虛因溫煖氣泄不主收藏飲邪上擾乘肺肺氣不降一身之氣交阻薰灼不休絡血上沸經云不得卧卧則喘甚痺塞乃肺氣之逆亂也若以見病圖病昧於色

診候氣必致由咳變幻。腹腫脹滿。漸不可挽。明眼醫者。勿得忽爲泛泛可也。茲就管見。畧述大意。議開太陽。以

杏仁

茯苓

苡仁

炒半夏

桂枝木

石膏

白芍

炙草

方氏冷暖失和。飲泛氣逆。爲浮腫喘咳。腹脹卧則衝澹。議用越婢方。

石膏

杏仁

桂枝

炒半夏

茯苓

炙草

施氏勞煩太甚。胃陽受傷。外衛單薄。怯寒畏冷。食物少運。

脾胃陽

痰飲內起。氣阻濁凝。胸背皆痛。辛甘理陽已效。當止。長夏脾胃主令。崇其生氣。體旺病可全好。

六君子加益智木香

黃三身居沿海。氛障霧露。客邪侵入清陽。陽傷畏寒。久嗽。
病四人不知却病護身。猶然用力承辦。裏結飲邪。沉痼不
却病。茯苓桂枝湯。

胡四六脈沉而微。微則陽氣不足。沉乃寒水陰凝。心痛怔忡。
漸及兩脇下墜。由陽衰不主運行。痰飲聚氣欲阻。致痛
之來。其心震之謂。亦如被撼岳陽之義。議用外臺茯苓
飲合桂苓方。

人參

茯苓

半夏

枳實

桂枝

薑汁

白六脈沉小弦爲陰濁飲邪。稟質陽不充旺。胸中清氣不
得舒展曠達。偶觸入寒冷。或悞進寒物。飲邪暴冷凝結
胸痞。當平日食物忌用酒肉腥濁。便清陽流行。常服仲
景苓桂朮甘湯百劑。若病來因冷。卽服大順散。
戴病去。神已爽慧。但本脈帶弦。平素有飲。爲陽氣不足
之體。年紀漸多。防有風痺。此酒肉宜少用。勞怒當深戒
矣。議外臺茯苓飲方。

人參

茯苓

廣皮

枳實

半夏

金石斛

朱^四煩勞大過。陽傷。痰飲日聚。陽蹇脈空。寤不成寐。衛陽失護。毛髮自墜。乃日就其衰奪矣。初進通飲。溺以甦陽。接服外臺茯苓飲。

吳氏脈弦背中冷。左偏微痛。食少欲嘔。四肢牽強。此飲邪內結。議通陽氣。

桂枝

茯苓

半夏

薑汁

炙草

大棗

某眩暈惡心。胸脘不爽。脈右弦左弱。面色紅亮。此乃痰飲上泛。有厥中之事。

炒半夏

製茯苓

橘紅

煨天麻

石菖蒲

茯苓

薑汁

尤

口中味淡是胃陽虛。夫濁陰下降痛緩。向有飲濕爲

患。若不急進溫通理陽。濁陰必致復聚。議大半夏湯法。

人參

半夏

茯苓

枳實

薑汁

脾陽不
運

張七酒客穀少中虛。常進疎散表藥。外衛之陽亦傷。其痰

飲發時。胸中痞塞。自述或飢遇冷病來。其爲陽氣受病

何疑。不必見痰搜逐。但護中焦脾胃。使陽氣健運不息。

陰滿痰涎。焉有竊踞之理。

生於朮

川桂枝

茯苓

煨薑渣

苡仁

澤瀉

薑棗湯法九

王三脈沉爲痰飲。是陽氣不足。濁陰欲蔽。當以理脾爲先。俾中陽默運。卽仲景外飲治脾之意。

苓桂朮甘加半夏陳皮水法九

某三舌白咳逆不渴。非飲象而何。宜宣溫藥和之。

杏仁

苡仁

半夏

乾薑

粗桂枝

茯苓

厚朴

炙草

某食後脘中痞阻。按之漉漉有聲。手麻脇痛。心煩耳目昏眩。是氣不流行。痰飲內聚中焦。用桂苓丸竹瀝薑汁法九

又

桂枝

人參

茯苓

半夏

廣皮

炙草

黃 味過甘膩。中氣緩不主運。延綿百天。聚氣結飲。東垣云。病久髮不焦。毛不落。不食不飢。乃痰飲爲患。飲屬陰類。故不渴飲。仲景五飲互異。其要言不繁。當以溫藥和之。通陽方法。固無容疑惑。大意外飲宜治脾。內飲治腎。是規矩準繩矣。議用苓桂朮甘湯。

某 形體似乎壯實。陽氣外泄。畏風怯冷。脾陽消乏。不可健運。水穀悍氣蒸變痰飲。隧道日壅。上實下虛。仲景謂飲邪當以溫藥和之。苓桂朮甘得效。從外飲立方。

人參

淡附子

生於朮

枳實

茯苓

澤瀉

荆瀝薑汁法丸

某老人久嗽妨食議以外飲治脾 苓桂朮甘湯

王三脈沉背寒心忤如墜形盛氣衰漸有痰飲內聚當溫

通補陽方復辟斯飲濁自解

人參

淡附子

乾薑

茯苓

生於朮

生白芍

馮陽虛則形寒汗出痰飲痞聚都是陰濁成形乘陽氣

衰微致上千竊踞古人法則必通其陽以掃陰氛但宿

病無急攻方況平素憂鬱氣滯血滯久耗之體不敢純

剛防劫液耳

人參

熟附子

淡乾薑

炒川椒

川桂枝

烏梅肉

生白芍

另真武丸三兩

程

門

左脈沉靜。右脈微弦。四旬清陽日薄。脾臟鼓運漸遲。

加以煩心縈思。水穀悍氣蘊蒸痰飲。仲景謂此飲當治。

脾陽。況中年常有遺泄之患。按脈非龍相之動搏。議固。

下益腎。轉旋運脾二方。分早晚服。早服從還少聚精七。

寶泰用丸方

熟地

茯苓

枸杞

五味

萸肉

茯神

山藥

菟絲

覆盆

魚膠

菖蒲

遠志

龍骨 青鹽 熟蜜同棗肉搗丸早服五七錢

茅朮 於朮 半夏 茯苓 廣皮 生益智

白朮 鉤藤 薑棗湯泛丸晚服三錢開水下

徐 清陽未展濁陰欲踞久延必結痰飲議用真武丸二

錢五分人參一錢煎湯送胃陽得震濁當退避矣十服

某 脉沉弦飲泛噎咳乃下虛無以制上議早服腎氣丸

攝納下焦散失以治水泛之飲午服外臺茯苓飲轉旋

中焦使食不致釀痰茯苓飲去朮

某 一七 高年久嗽脉象弦大寤不成寐乃陽氣微瀉濁飲上

泛仲景云進溫藥和之

脾胃陽
虛飲逆
咳喘

杏仁 三錢

茯苓 二錢

川桂枝 一錢

生薑 一錢

苡仁 三錢

炙草 四分

大棗 二枚

顧二咳嗽數月。嘔出涎沫。建中不應。已非營衛損傷。視其面色鮮明。飲食仍進。倣飲邪主治。

小半夏湯加桂枝杏仁薑汁

李三勞傷陽氣。內起痰飲。卧着氣鈍。飲阻。其欬爲多。痰出稍通。勢緩。且體常汗泄。非風寒表邪不解。並不熱渴。亦非火炎燥金。仲景云。飲家而欬。當治飲。不當治欬。

茯苓

桂枝木

苡仁

炙草

薑汁

陳

脈濇小。舌白不渴。身動嘔痰。身如在舟車中。此寒熱

攻胃致傷。逆氣痰飲互結。通補陽明爲正。白朮甘草守中。未能去濕。宜緩商。

人參汁

半夏

枳實汁

茯苓

竹瀝

薑汁

馬三肌肉豐溢。脉來沉緩。始發右季脇痛。湯飲下咽。汨汨有聲。吐痰涎。頭痛。此皆脾胃陽微。寒濕滯聚。年方壯盛。不必介懷。溫中佐其條達。運通爲宜。

茅朮

厚朴

半夏

茯苓

陳皮

淡薑渣

胡蘆巴

炙草

薑汁泛丸

馬四

甘緩頗安。辛泄不受。此陽分氣衰。將來飲邪日聚。然

卧着欬多。清氣失旋。先用苓桂术甘湯。繼進外臺茯苓飲。

曹四中年陽氣日薄。痰飲皆屬陰濁。上干清道。爲衝逆咳嗽。仲景治法。外飲治脾。內飲治腎。分晰甚明。昔年曾用桂苓澤术得效。是治支飲治法。數年真氣更衰。古人謂飲邪當以溫藥和之。須忌治嗽肺藥。

先用小青龍去麻辛。接服外臺茯苓飲。

程五昔肥今瘦爲飲。仲景云。脈沉而弦。是爲飲家。男子向老。下元先虧。氣不收攝。則痰飲上泛。飲與氣湧。斯爲蒸矣。今醫見嗽。輒以清肺降氣消痰。久而不效。更與滋陰。

脾胃陽虛飲逆

不明痰飲皆屬濁陰之化。滋則堆砌助濁滯氣。試述着
枕欬喘一端。知身體卧着。上氣不下。必下衝上逆。其痰
飲伏於至陰之界。腎臟絡病無疑。形寒畏風。陽氣微弱。
而籀籀疎撤。仲景有要言。不煩曰。飲邪必用溫藥和之。
更分外飲治脾。內飲治腎。不讀聖經。焉知此理。

桂苓甘味湯

熟附都氣加胡桃

陳 痛久氣亂。陽微。水穀不運。蘊釀聚濕。胃中之陽日薄。
痰飲水濕。必傾囊上湧。而新進水穀之氣。與宿邪再聚。
復出。致永無痊期。仲景云。飲邪當以溫藥和之。又云。不
渴者。此爲飲邪未去故也。則知理陽通陽。誠有合於聖

訓。斷斷然矣。 眞武湯

張

四

痰飲喘咳。肌肉麻痺。痞脹不堪納穀。冬寒日甚。春暖

日減。全是陽氣已衰。陰濁逆干犯上。肺藥治嗽。無非辛
泄滋潤。蓋辛散則耗陽。滋清助陰。濁阻在陽分。氣不
肅。爲夜不得卧。小青龍意。主乎由上以泄水寒。直從太
陽之裏以通膀胱。表中裏藥也。仲景謂飲邪當以溫藥
和之。驅陰邪以復陽。一定成法。 早腎氣去莖換白芍

炒查炭木法丸 脫外臺茯苓飲薑棗湯法丸

程六 腎虛不納氣。五液變痰上泛。冬藏失職。此病爲甚。不
可以肺咳消痰常用八味丸。收納陰中之陽。暫時撤飲。

用仲景桂苓味甘湯

孫未交冬至一陽來復老人下虛不主固納飲從下泛氣阻升降而為喘嗽發散寒涼苦瀉諸藥焉得中病仲景云飲家而咳當治飲不當治咳後賢每每以老人喘嗽從脾腎溫養定論是恪遵聖訓也

桂枝 茯苓 五味子 甘草湯代水加淡薑棗

李 腸紅久病不必攻治今者氣衝喘嗽脘脇痞阻是飲濁上僭最宜究悉

川桂枝 分 七 茯苓 三錢 乾薑 一錢 五味子 同薑合

杏仁 一錢 白芍 一錢 炙草 五分 生左牡蠣 三錢

腎陽虛
飲逆喘
步恒

吳二壯年下元久虛。收納氣泄。每交秋冬受冷。冷氣深入。伏飲夾氣上衝。爲咳喘嘔吐。疎肺降氣不效者。病在腎絡中也。蓋精血少壯不旺。難以搜逐病根。不去謂此絕慾一年。小暑灸。靜養一百二十天。可愈。附都氣加車前。

潘九勞力喘甚。肩背惡寒。飲泛上逆。皆係下元虛損。莫以喘用瀉肺等藥。薛氏八味丸。

王秋深天氣收肅。背寒喘咳。飲濁上泛。緣體中陽氣少振。不耐風露所致。最宜煖護背部。進通陽以治飲。

茯苓

桂枝

半夏

薑汁

苡仁

炙草

又 早腎氣丸 夜真武丸

陳 脈虛微。春陽地升。濁陰上干。喘不得卧。治在少陰。

人參

淡熟附子 猪胆汁

又 照前方加淡乾薑一錢半

又 脈弦。暮夜。濁陰衝逆。通陽得效。議真武法。以撤其飲。

人參

淡附子

生白芍

茯苓

薑汁

又 真武泄瀉。脘通思食。能寐。昨宵已有渴欲飲水之狀。

考金匱云。渴者。飲邪欲去也。當健補中陽。以資納穀。

人參

生於朮

淡附子

茯苓

澤瀉

又早服腎氣丸四五錢。晚用大牛夏湯。

人參

牛夏

茯苓

薑汁

董脈弦右濡陽微惡寒。飲濁上千。咳吐涎沫。且食減胃衰。寒疝竊踞陰濁見症。豈止一端。喻嘉言謂濁陰上加於天。非離昭當空。氛霧焉得退避。反以地黃五味陰藥附和其陰。陰霾冲逆肆虐。飲邪滔天。莫制。議以仲景熟附配生薑法。掃羣陰以驅飲邪。維陽氣以立基本。况尊年尤宜急護真陽為主。

人參

茯苓

熟附子

生薑汁

南棗

載十二月間診得陽微濁飲上千為咳不能卧。曾用小

腎陽虛
膀胱氣
化不通
降

清龍湯減去麻黃細辛服後已得着枕而卧想更醫接
用不明治飲方法交驚蟄陽氣發泄病勢再熾頃診脈
來清弱無神痰飲咳逆未已諒非前法可效宗仲景真
武湯法以熟附配生薑通陽逐飲立法

真武湯去白朮加人參

計不卧喘喘泛起白沫都是腎病議通太陽膀胱

茯苓

川桂枝

淡乾薑

五味子

白芍

炙草

顧飲邪泛溢喘嗽督損頭垂身動喘甚食則脘中痞悶
卧則喘咳不得息肺主出氣腎主納氣二臟失司出納

失職。議用早進腎氣丸三錢。以納少陰。晚用小青龍法。滌飲以通太陽經腑。此皆聖人內飲治法。與亂投賦補有間矣。小青龍去麻辛甘芍加茯苓杏仁大棗。

某形盛面亮。脈沉弦。此屬痰飲內聚。暮夜屬陰。喘不得卧。仲景謂飲家而咳。當治其飲。不當治咳。今胸滿腹脹。小水不利。當開太陽以導飲逆。小青龍去麻辛甘起婢。

桂枝

半夏

乾薑

五味

杏仁

石膏

茯苓

白芍

某服三拗湯。音出喘緩。可見苦寒沉降之謬。素多嘔逆。下血。中焦必虛。而痰飲留伏。顯然。議治其飲。

桂枝湯去甘草加杏仁茯苓苡仁糖炒石膏

某
太陽經氣不開小水不利下肢腫浮漸上着枕氣塞
欲坐濁飲上干竟有坐卧不安之象醫者但以肺病刻
治於理未合急用小青龍法使膀胱之氣無阻礙濁飲
痰氣自無逆冲之患矣

桂枝

杏仁

乾薑

五味

半夏

茯苓

章
伏飲陰濁上干因春地氣主升而發嘔吐不飢自然
脾胃受傷六君子宣補方法未嘗不妙今診得吸氣甚
微小溲晨通暮癰足跗浮腫其腑中之氣開闔失司最

慮中滿夫太陽司開陽明司闔濁陰瀰漫通腑即是通陽倣仲景開太陽一法

牡蠣 澤瀉 防已 茯苓

五味 乾薑

舉飲濁邪上冲

張二哈喘哮坐不得卧神迷如呆氣降則清水寒飲邪上冲膈中用逐飲開濁法

薑汁炒南星 薑汁炙白附子 茯苓

桂枝 炙草 石膏蒲

痰厥

某三咳緩痰少腕中不爽肌腠瘙癢皆濕邪未盡痰飲竊踞之象當用六安法

中虛濕熱

杏仁

白芥子

炒牛夏

茯苓

淡乾薑

橘紅

王 當年陽虛渴飲上泛喘急用真武湯九而效因平素

嗜酒少穀中虛濕聚熱蘊蒸痰目黃黧血未可為實熱

論治議方用外臺茯苓飲減甘草佐以微苦清滲理其

濕熱以酒客忌甜故也

茯苓

四兩

人參

二兩

芍仁

四兩

枳實

一兩

牛夏

二兩

膚皮

二兩

金石斛

八兩

煮汁為丸

汪

面色鮮明腕中漾漾欲嘔因鬱勃熱氣蒸為痰飲宜

暫緩參朮務清中焦熱痰

中焦痰熱

高登白濁腎虛

痰飲

各

杏仁

枳實汁

橘紅

瓜蒌皮

鬱金

半夏麴

桔梗

黑梔皮

痰飲痰

張氏

痰飲挾燥咳喉中癢

杏仁

花粉

茯苓

象貝母

橘紅

半夏麴

氣火不降

陳媛

痰飲挾氣火上踴脘痞脹不爽宜理氣熱

半夏

茯苓

瓜蒌皮

黑梔皮

橘紅

鬱金

某

脈弦右澹面亮舌白口乾不喜飲頭重岑岑然胸脘

痺塞而痛得暖氣稍舒酒客穀少中虛痰飲聚蓄當此

夏令地氣上升飲邪挾氣上阻清空遂令前症之來金
匱云脈弦爲飲色鮮明者爲留飲口乾不欲飲水者此
爲飲邪未去故也况熱熱汗出豈是風寒春夏溫邪辛
溫發散爲大禁自云身體空飄年已六旬又四辛散再
泄其陽不亦左乎

牛夏

薑汁

川連

吳萸

茯苓

枳實

竹瀝

學備伏
飲

潘

人

遠客路途風寒外受熱氣內蒸痰飲日聚於臟之外

絡脈之中凡遇風冷或曝烈日或勞碌形體心事不寧
擾動絡中宿飲飲泛氣逆咳嗽氣塞喉底胸膈不思食

飲伏經絡

物着枕噓吐稠痰氣降自愈病名哮喘伏飲治之得宜

除根不速到老年歲仍受其累耳 小青龍湯去細辛

童六背寒短氣背痛心胃脇入腰食粥噫氣腕痛瀉出

黃沫飲邪伏濕乃陽傷竊發此溫經通絡為要緩用人

參

川桂枝 生白朮 炒黑濁漆 炮黑川烏

厚朴 茯苓

胸次清陽少旋

葉上脈右弦舌黃不渴當心似阻昔形壯今漸瘦咳久不

飲支脈結

已臥着則咳痰出稍安此清陽少旋支脈結飲議通上

焦之陽

鮮薤白

瓜蒌皮

半夏

茯苓

川桂枝

薑汁

楊 頭中冷痛。食人不消。筋脈中常似掣痛。此皆陽微不
主流行。痰飲日多。氣隧日結。致四末時冷。先以微通胸
中之陽。

乾薤白

桂枝

半夏

茯苓

瓜蒌皮

薑汁

支脈結
飲

又 微通其陽已效。痰飲阻氣。用茯苓飲去廣皮加薑汁
程三 支脈聚飲。寒月喘甚。初因寒濕而得。故食辛稍安。

杏仁

半夏

厚朴

苡仁

茯苓

薑汁法丸

趙

支飲脇痛咳逆

小青龍去麻辛

汪氏

支脈結飲阻氣喘脹人脇則痛厥逆爲眩

茯苓

桂枝

半夏

杏仁

鬱金

糖炒石膏

黃

支脈結飲發必喘急病發用

桂枝

茯苓

五味

炙草

馮

懸飲流入胃中令人酸痛湧噎酸水當辛通其陽以

聖飲

桂枝木

半夏

茯苓

炒黑川椒

薑汁

又 照前方加淡附子

施 診脈右虛左小弦面色黃少華采左脇助痛五六年
未愈凡久恙必入絡絡主血藥不宜剛病屬內傷勿事
膩補錄仲景旋覆花湯加栝子仁歸鬚桃仁

又 初服旋覆花湯未應另更醫謂是營虛用參歸熟地
桂芍炙草服後大痛醫又轉方用金鈴牛夏桃仁延胡
茯苓服之大吐大痛復延余治余再議方謂肝絡久病
懸飲流入胃絡致痛不已議太陽陽明開闔方法

人參

茯苓

炙草

桂枝

煨薑

南棗

服苦藥痛嘔可知胃虛以參苓開陽明用草桂開太
陽并辛香入絡用薑棗通營衛生薑恐伐肝故取煨
以護元氣而微開飲氣也

又前方服之痛止議九方

人參

半夏

川椒

茯苓

桂枝

煨薑兩棗湯丸

某夏季陽氣大升痰多喘咳甚至夜不得卧穀味皆變
大便或澀或秘診脈右大而弦議以懸飲流入胃絡用
開闢導飲法

人參

茯苓

桂枝

炙草

煖薑

南棗

又早診脈兩手皆弦右偏大凡痰氣上湧咳逆愈甚日
來小溲少下焦微腫議通太陽以撒飲邪

人參

茯苓

桂枝

炙草

五味

乾薑

又脈弦畧數不渴不思飲此飲濁未去清陽不主運行
前方甘溫主乎開胃能令胃喜次法開太陽以撒飲邪
亦主陽通據自述心下胃口呆滯其濁錮陽微
大著其治以滋陰通為陰濁橫軼矣議用大半夏湯法
大半夏湯加炒黑川椒

內經止有積飲之說。本無痰飲之名。兩漢以前謂之
痰飲。仲景始分痰飲。因有痰飲。懸飲。溢飲。支飲之義。
而立大小青龍。半夏桂枝。甘腎氣等湯。以及內飲
外飲諸法。可謂闢發前賢。獨超千古。與後人所立風
痰濕痰熱痰酒痰食痰之法迥異。總之痰飲之作。必
由元氣虧乏。及陰盛陽衰而起。以致津液凝滯。不能
輸布。留於胸中。水之清者。悉變爲濁。水積陰則爲飲。
飲凝陽則爲痰。若果真元充足。胃強脾健。則飲食不
失其度。運行不停。其機何痰飲之有。故仲景云。病痰
針者。當以溫藥和之。乃後人不知痰飲之義。妄用滾

痰九茯苓丸消痰破氣。或滋填臟補等法。大傷脾胃。
性硬助濁。其於仲景痰飲之法。豈不大相乖謬乎。然
寒與飲雖爲同類。而實有陰陽之別。陽盛陰虛。則水
氣凝而爲痰。陰盛陽虛。則水氣溢而爲飲。故王晉三
先生取仲景之小半夏茯苓。及外臺飲三湯。從脾胃
二經分痰飲立治法。而先生又取仲景之苓桂朮甘。
外臺茯苓飲。腎氣丸。真武湯。分內飲外飲治法。而於
痰飲之症。無遺蘊矣。愚歷考先生治痰飲之法。則又
有不止於此者。然而病變有不同。治法亦有異。如脾
腎陽虛。膀胱氣化不通者。取仲景之苓桂朮甘湯。茯

苓飲。腎氣真武等法。以理陽通陽。及固下益腎。轉旋
運脾爲主。如外寒引動宿飲上逆。及膀胱氣化不通。
飲逆肺氣不降者。以小青龍。合越婢等法。開太陽。膀胱
爲主。如飲邪伏於經絡。及中虛溼熱成痰者。則有
川烏蜀漆之溫經通絡。外臺茯苓飲去甘草少佐苦
辛。清滲理濕之法。其飲邪上冲膈中。及懸飲流入胃
中而爲病者。又有薑附南星菖蒲旋覆川椒等驅飲
咽濁。辛通陽氣等法。絲絲入筵。一以貫之。病情治法。
啗有成竹矣。非深於得道者。其孰能之。
經方九